



DIASABRA AWOR!
1st OF MARCH 2025
Location: SEROE BLANCO 8Y
9:00AM - 1:00PM

Husticia ta existi pa Benny Sevinger paga casi 1 miyon Florin

■ Sevinger ta cuestiona persecucion politico contra dje
• *Si acaso e no paga e tin di bay 3 aña cera*

Ambiente total den Parada Escolar



ORANJESTAD (AAN): Diabierna mainta tabatin 3 Parada Escolar simultaneo na Aruba, esta uno na Noord, na Playa, y na San Nicolas. Por a nota cu ambiente total a reina na cada uno di nan.

Na Playa por a nota cu varios scol a uni pa asina cubri e gasto di banda musical cu a acompaña nan a lo largo di e ruta. Gruponan a sa di anima e hobennan tambe, cu tabata jump bao wowo di e docentenan cu tabatey riba ruta pa percura pa tur cos a bay bon. Y a nota cu algun docente tambe a goza inmensamente di e mainta aki.

Tur cos a bay bon durante henter e parada, y esaki ta algo positivo y di aprecia. Hobennan a comporta nan mes perfecto, y a goza sin fin di nan dia special di ambiente.

Paradanan lo tin un Pre-Hospital na ambos ruta



ORANJESTAD (AAN): CMO esta Crisis Management Office Arubaa divulga cu den cuadro di nan plan di seguridad, nan ta introduci tanto pa Parada Grandi di San Nicolas y Parada Grandi di Playa, un asina yama 'Pre-Hospital'. E ta bira un sorto di triage pa dicidi cualnan ta e pashentnan cu berdad ta grave y tin di bay Hospital, y cualnan no. Asina ta reduci preso riba Servicio di Emergencia na Hospital.

Esun di San Nicolas ta net banda di Teresita Center cerca di Warda di Polis. Esun di Playa ta net riba e railnan di e Tram, net otro banda di entrada principal di Waf. E ta pues riba e tereno poco pabao di Parada Grandi di Bus. E pre-Hospital tambe ta conta cu 5 personal di HOH den cual tin 1 Dokter. Esakinan ta pa intervencionnan chikito, pero den caso cu mester di cuida mas avansa lo manda e pashent na HOH.

Mas detaye na Pagina 7.

Magaly Brito, Secretario General SEPPA:

Hopi empleado publico cu experiencia y conocimiento ta pidi VUT y ta laga un bashi

**Servicio tambe bay atras*

ORANJESTAD (AAN) – Na Aruba tin hopi falta di prioridad, segun Secretario General di SEPPA, señora Magaly Brito, y falta di personal ta uno cu ta afecta e calidad di servicio den diferente departamento gubernamental.

Den entrevista cu DIARIO el a comenta cu di un banda, por wak un gobierno cu ta enfoca pa tin un presupuesto cu hopi placa (un surplus) cu ta di unda bo ta paga gasto aña pa aña, pero di otro banda tin e limitacionnan impone na gobierno, cu e mester baha e cantidad di personal.

Anto tin hende ta haci uso di VUT y berdad e cantidad di personal ta bira menos, presupuesto ta drecha un

poco, pero di otro banda e servicio ta keda bay atras.

“Algo cu ta sosodiendo ta cu e hendenan cu tin hopi aña di servicio pero cu experiencia y conocimiento, etc., ta netamente e hendenan cu ta haci uso di VUT. Esey ta nifica cu bo ta laga bo aparato publico bashi di conocimiento y experiencia cu por contribui cu por bay drecha e aparato publico”, Brito a señala.

El a señala cu e problema aki a wordo plantea hopi biaha caba, pero lamentablemente si e intencion ta pa haya mas peticion di trahadornan pa bay cu VUT y e meta ta pa baha e cantidad y drecha e presupuesto, naturalmente ta bay haya e criticanan riba



servicionan publico.

Tin hopi trahado publico cu ta manifestando un cansancio enorme, Magaly Brito ta subraya. “Problemanan di salud mental na pia di trabao, y e hecho cu bo ta pone un trahado traha 16 ora dia tras dia, siman tras di siman, luna tras luna, hasta añanan, bo ta bay haya un presion enorme

riba nan salud”, Magaly Brito a reitera.

Esey ta trece cu ne cu na cierto momento AOV ta bin, y ta bay cuminsa e criticanan cu na diferente departamento tin mucho AO. “Pero e ora ey no ta tene cuenta cu e cantidad di trahado y ta nos servicio ta wordo perhudica.

“E servicio di cuido di nos grandinan, e cuido di esnan cu ta den KIA, e servicio di cuido di nos

edificionan, di nos hendenan laborando, etc. Eseynan nos ta bay sinti e efecto grandi di AO, y bo ta mir’e tambe den e servicio pa duna nos turistanan cu ta drenta y ora cu nan abandona nos isla. Rijnan largo, pa motibo cu tin masha tiki personal, masha tiki empleado publico tin trahando anto e servicio no por bay lihe”, Magaly Brito, Secretario General di SEPPA, a relata.



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 11 april 2025 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 502 en verder van het Wetboek van Burgerlijke Rechtsvordering van Aruba:

1. een leeg perceel eigendomsgrong plaatselijk bekend als

SEROE JANCHI z/n

een perceel eigendomsgrond groot 895 m², gelegen te Seroe Janchi in Aruba, kadastraal bekend als Eerste Afdeling Sectie L nummer 4292.

Inzetprijs: Afl. 322.000,00

2. een leeg perceel eigendomsgrong plaatselijk bekend als

TARABANA z/n

een perceel eigendomsgrond van 702 m² gelegen te Tarabana in Aruba, kadastraal bekend als **Eerste Afdeling, Sectie P, nummer 3359, indexnummer D 1537**

Inzetprijs: Afl. 224.000,--

Op deze registergoederen kan geen onderhands bod worden uitgebracht.

Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Tur parada Carnavalesco KPA tin wowo presente bou di Operacion Command Center



ORANJESTAD (AAN): Aña 2025 ta habri cu Carnaval 71 pero pa Cuerpo Policial Aruba nifica tambe modernismo y cu avance tecnologico poco poco ta drenta nos organisacion pa e siguiente etapa di KPA.

Tur parada Carnavalesco KPA tin wowo presente bou di Operacion Command Center. Tanto riba ruta y den aire tur parada ta bon vigila cu diferente camera ubica. Tanto den dia y anochi como tambe introduciendo tecnologia avansa di Infra-Red KPA tin un mihor bista y wowo den tur skina riba e ruta di carnaval.

Cu e tecnologia nobo aki ta hisa e nivel di seguridad mas halto



na unda cu KPA por mira tur suceso riba e ruta di Carnaval.

Cu e adkision nobo aki ta haci e operacion di KPA mas factibel y mihor prepara strategicamente. Apelacion na nos comunidad cu nos di KPA tin wowo durante carnaval, pesey celebre sanamente y comporta decentemente.

E meta di esaki ta pa eleva e seguridad di nos participante, publico y bishitante pa asina TUR persona por celebra Carnaval di Pais Aruba sanamente. Pasobra Aruba su Carnaval si ta un bacanal y awor mas sigur cu nos wowonan tur caminda!

Benny Sevinger ta cuestiona persecucion politico contra dje

Fiscal a existi pa Benny Sevinger mester paga mas di 901 mil florin of e lo mester bay 3 aña sera



ORANJESTAD (AAN): Dia-bierna mainta, tratamento di e caso penal pa kita propiedadnan di Benny Sevinger a tuma lugar. Fiscal a reevalua e calculacion di demanda. Promer e demanda tabata 940 mil florin y awor esaki ta algo mas di 901 mil florin, cu Fiscal ta existi pa Benny Sevinger paga bek na Gobierno y si e no paga, e lo mester bay 3 aña sera.

Abogado mr. David Kock a bisa Hues cu e ta haya cu ta mucho tempran pa trata e caso aki pasobra ainda tin e caso Avestruz den Casacion cu ta andando. E ta haya cu segun ley, no por existi demanda di pago bek di un persona cu ainda no ta condena. El a pidi Hues pa pospone e caso y tambe cu e ta haya cu mester rechaza e demanda di Fiscal.

LABAMENTO DI PLACA
E caso ta relaciona cu caso Avestruz, caminda Fiscal ta haya cu Benny Sevinger a haci labamento di placa. Ayera, Hues a repasa informacionnan den e raport financiero presenta pa Fiscal. Hues a papia cu Benny riba e hipoteca cu Benny a pidi pa construi su cas. Hues a muestra cu segun e raport, e construccion ta mucho mas caro cu e hipoteca. Hues a puntra Benny, di unda el a saca placa pa paga e construccion. Benny a bisa cu e resto a bin di placan cu el a spaar durante su trayectoria como Parlamentario y Minister.

Hues a muestra cu Fiscal a presenta un raport di taxacion y Benny tambe a bin cu su raport di taxacion. Hues a yama Benny y abogado mr. Kock dilanti pa e muestra cu segun e raport di Benny, e calculacion ta 67 mil florin pa construccion di e cas. Segun

Benny, e raport ta un evaluacion di e calculacionnan cu Benny mes a haci.

CUMPRACCION DI COMPANIA

Hues a menciona e compania HSH cu Benny tabatin hunto cu dos otro persona esta S. y H. Hues a muestra cu Benny a cumpra accion di S. Segun Benny na dado momento S. kier a sali y e y H. a cumpra e accionnan.

MALVERSA PLACA DI VIAHE DI TRABAO

Hues a muestra riba e placanan cu Benny tabata haya pa haci viahenan di trabao, caminda Benny ta wordo haya culpabel di a malversa placanan. Hues a muestra cu te cu November 2014, Parlamentarionan y Ministernan tabata haya placa cash. Segun e raport di Benny, Benny lo tabata spaar placa di viahe. Hues tabata kier splicacion riba esaki. Benny a splica Hues cu tin biaha e ta uza su credit card y ta laga e cash di viahe na cas. El a bisa cu e no ta gusta bay banco y tabata warda placa na cas. Hues a remarca cu si no tin informacion di banco, e ora ey no tin prueba di loke Benny ta splica. Benny a remarca na Hues cu si e tabata esey, e lo a hacie pa tin pruebanan. Hues bisa cu Fiscal no ta kere cu Benny por a spaar asina hopi placa y ta haya cu tin gastonan di viahe di Benny cu famia na otro lugarnan cu ta hopi mas placa. Benny a reacciona cu tur esaki ta coy persecucion politico pa hustifica Fiscal su acusacion. Benny a splica cu ora e viaha cu vacacion, e sa cumpra hopi cosnan pa hendenan cu ta pidie. Hues a remarca e ta compronde pero tin potret di Benny na Italia cu ta muestra cu ta costoso. Benny a bisa cu na Italia tabata e unico lugar



cu el a come ice cream asina caro. El a bisa cu el a paga 40 Euro pa 2 ice cream. Hues a remarca cu esey ta muestra cu Benny tabatin placa cu ne.

BENDE DOS PERCELA PA MAS DI 108 MIL FLORIN

Hues a muestra cu segun e raport financiero di Fiscal, na 2005, Benny a vende dos terreno. Segun Benny ta di su tata. Hues a muestra cu nan a wordo bendi mas cu 108 mil florin. Esaki a wordo paga cash. Benny a bisa cu e pagamento tabata den terminonan cu a dura hopi aña. Hues a puntra kico Benny a haci cu e placa aki. Segun Benny, e ta kere cu gran parti di e placa a bay den construccion di su cas. Hues a remarca cu segun e raport di Notario, e placa a wordo paga cash y no den termino manera Benny ta bisa. El a puntra Benny si e tin buki con e persona a paga, Benny a bisa cu e no tin buki.

FISCAL A EXISTI PA BENNY PAGO MAS CU 901 MIL FLORIN

Fiscal a bisa Hues cu e gym na cas di Benny, ta worde considera un regalo di Sussebeek y tambe e frishidaire. Na opinion di Fiscal, no tin indicacion cu Benny lo a paga pa esakinan. El a muestra cu Hof a muestra cu Benny a malversa placanan di viahe pa trabao como Minister. Fiscal a muestra cu ora expertonan ta haci e calculacionnan, ta bay for di sumanan cu lo mester tin pa por haci gastonan. Si no tin factura di pago y no tin splicacion di gastonan, ta keda cu a uza placanan sin tin splicacion. Fiscal a muestra cu Benny a cumpra cas na Colombia. Tambe el a muestra riba e acta Notarial cu ta muestra cu Benny a vende e terenonan cash.

Fiscal a existi pa Benny

paga mas di 901 mil florin y si Benny no paga, e lo mester bay 3 aña sera den prison.

ABOGADO

Mr. Kock a bisa Hues cu actualmente Benny ta den Corte di Casacion na Hulanda. E abogado a muestra cu Fiscal ta haci exigencia como si fuera cu ya tin un sentencia contra Benny. Na opinion di mr. Kock, ainda Benny no ta sentencia. E ta haya cu e decision di Casacion lo por ta beneficioso pa Benny. Mr. Kock a bisa Hues cu e ta haya straño cu Fiscal a cuminsa e proceso di kita propiedadnan siendo cu ainda no tin un decision di Casacion. Na opinion di mr. Kock, esaki ta trece cune cu por bien ta cu Benny lo apela e decision di e caso aki y bay Corte Superior. E abogado ta haya cu lo ta mihor pa pospone e caso te ora tin un decision di Corte di Casacion. Hues a puntra e abogado si mester tin decision awor riba e peticion. Abogado mr. Kock a bisa cu mihor Hues tuma un decision te den su sentencia y asina tin tur tempo pa evalua e caso. E abogado a muestra cu Benny tabata lanta placa for di banco y tabata paga pa construccion di su cas. E abogado ta haya cu Benny ta hopi concreto con el a uza su placa pero Fiscal ta bisa cu tin un raport di taxacion cu ta muestra cu e balor ta mucho mas. E abogado ta haya cu esaki ta inhusto.

Pa loko ta e gastonan di viahe di trabao, e abogado a bisa cu ta hopi placa a wordo paga na e ministernan. Na opinion di abogado, Fiscal mes ta papia cu mas di 500 dia Benny tabata den exterior. E abogado a bisa Hues cu un gran parti di e placa aki, Benny a tene y a uza su credit card. E abogado ta haya cu e calculacion di

Fiscal no ta cuadra. E abogado a bisa cu ta e asunto aki tambe ta wordo evalua den Casacion y e ta haya cu ta mucho prematuro cu e caso aki. E abogado a remarca cu Fiscal ta bisa cu no tin prueba di entrada legal. E abogado ta haya cu ta un hecho cu Benny a haya e placanan. E abogado a pidi Hues pa pospone e caso of dicidi cu ta rechaza e demanda di Fiscal.

REACCION FISCAL

Fiscal a reacciona cu e no ta mira cu tin ley cu ta bisa cu mester warda cu e caso. Fiscal a bisa Hues cu e caso aki ta andando pa hopi tempo caba. E no ta haya cu mester laga Benny den mas inseguridad. Fiscal ta haya cu abogado ta specula cuanto e placa di viahe ta. El a muestra cu den e raport financiero ta para bon cla cu ta mas cu 134 mil florin y no por bay bisa cu e ta mas. Tambe el a muestra cu e venta di e percelanan, ta abogado mester demostracon e pagonan a sosode.

REACCION ABOGADO

Abogado a reacciona cu segun taxacion di Fiscal, e cas tin un balor di 1.5 milyon florin. Mr. Kock a bisa Hues cu e no ta haya cu esey ta husto pasobra e cas ta traha un tempo pasa. E abogado ta haya cu a muestra suficiente kico ta e gastonan real cu a haci riba e cas y no por bay tras di calculacion.

BENNY TA HAYA CU PERSECUCION POLITICO A KIBR'E

Benny a bisa Hues cu durante 30 aña el a traha riba su cas. Asina el a siña di su mayoran pa traha su cas. Cu wowo yen di awa el a bisa cu e no por acepta cu Fiscal ta bisa cu el a haya 901 mil florin. El a bisa Hues cu e no sa kico e ta bay haci. E no sa kico su futuro ta.

Benny a expresa cu Fiscal por bisa kico e kier pero e ta kere cu pa motibonan politico, el a wordo persigui. Benny a expresa cu tur esaki ta persecucion politico. El a para riba cu e no a haya placa for di ningun hende y no ta haya cu e mester haya castigo. El a bisa Hues cu e lo sigui bringa y un dia e berdad lo sali na cla. Hues a sera tratamento di e caso y a bisa cu dia 3 April 2025 lo tin sentencia.




Cuminsando cu 4 florin, bo por gana e suma grandi aki

Afl.

150.000,-

Obtenibel na cualkier rebendado di Lotto.

sorteo ta awe noch 7:45 pm



HUNGA AWO



KPA ta introduci uniform operacional nobo



ORANJESTAD (AAN): E momento a yega despues di hopi tempo pa introduci un imagen nobo di uniform pa e organisacion policial, esta Cuerpo Policial Aruba (KPA).

Tabata despues di basta tempo cu a sondia cua ta e miho calidad di uniform operacional pa Polis. Mester a haci diferente pruebanan pa mira e calidad tanto den e camisa pero tambe carson. Door di nos clima cu tin hopi solo y calor KPA mester a busca e miho calidad di uniform nobo pa e agentenan.

Desde 1 maart 2025, KPA ta estrena su uniform policial nobo operacional. Diseña pa nan propio agente policial cu un diseño unico

riba su estilo Aruba por mira e diferencia den uniform. Miho calidad, mas flexibel, diseño moderno como tambe mas visibel.

Cu e color blauw scur como camisa y Carson y e colorman geel riba e camisa cu e emblema di Polis riba dje ta duna e uniform un miho bista cu ta Polis. Mas number di Polis skirbi na nos dushi idioma di Papiamentu nos comunidad por reconoce e agente mas miho.

Durante parada grandi di San Nicolas nos comunidad por mira e imagen nobo cu e agentenan lo cana cu ne como nos uniform operacional. E uniform aki lo wordo uza pa polis uniform di cada distrito.

Santa Rosa a scohe e dos ganadonan di e reto di nombenan di Pisca

ORANJESTAD (AAN): Diabierna 28 di Februari 2025, sr. Randy Maduro di Departamento di Agricultura, Cria y Pesca, conoci popularmente como Santa Rosa, y alabes miembro di Fundacion Centro di Pesca Hadicurari, a haci entrega na e unico 2 ganadonan cu a completa e reto recien di nombenan di pisca.

Como parti di su tarea pa aumenta concientisacion Santa Rosa a bin ta publica boletinnan informativo riba su pagina di facebook numbernan mas comun di pisca na Papiamento, esunnan conoci di Aruba.

E serie di relacionan a bin ta gara bon acachida unda hopi hende ta sigui esakinan y ta hasta comenta constructivamente.

Recientemente Santa Rosa a publica un afiche cu e diferente pisca, miembro di famia pargo of snapper (ingles) y a duna oportunidad pa manda e contestanan corecto y ricibi un premio cortesia di Fundacion Centro di Pesca Hadicurari.

Dos persona a cumpli cu e desafio aki cabalmente y a bay cu e premionan. Sra. Graciela Nedd y sr. Francis Alexis Geerman tabata e ganadonan. Nan a ricibi un pakete cortesia di e Fundacion Centro di Pesca Hadicurari cu ta yuda promove entre otro seguridad riba lama y den e caso aki conoce piscanan mas popular di Aruba.

E pakete ta consisti di un tas waterproof, celular waterproof, pechi protector contra solo, bril contra solo, yabero



flotador, yabero pa habri bo- ter y un spiel di emergencia. Tur esaki den e cooperacion estrecho entre e dos instancianan aki den cuadro di un plan strategico pa largo y mediano plazo pa yuda e Sector Primario y particularmente pesca rond Aruba.

Pabien na e ganadonan. Pa esnan cu no a logra keda pendiente pa e siguiente rond di desafio cu pronto lo inicia.

Paradanan Escolar tabata safe cu presencia di Cruz Cora y personal di Ambulance



ORANJESTAD (AAN): Diabierna mainta tabata hopi ocupa, cu e paradanan escolar na Noord, San Nicolas y Oranjestad. E hobennan a celebra Carnaval na nan estilo, cu alegria y color! Mientrastanto, e miembronan di Cruz Cora y personal di Ambulance tambe tabata ocupa cu e seguridad di tur esnan presente. Potretnan cortesia di Rode Kruis.



Monique Giel, profesional di WGK:

Den edad di dies pa dieseis aña e hobennan ta hopi vulnerabel pa purba alcohol y droga pa prome bes

**Y vooral den carnaval!*

ORANJESTAD (AAN)—Den entrevista cu Monique Giel, Profesional di Wit Gele Kruis, el a expresa cu den su departamento nan ta papia cu mayornan, y duna nan conseho pa papia cu nan yiu, splic'e riba e consecuencia cu consumu alcohol of droga ta trece p'e.

Esaki pasobra e edad entre dies pa dieseis aña ta un hopi vulnerabel pa alcohol y droga, y vooral carnaval. “Den nos practica, nos ta ripara cu muchanan ta cuminsa experimenta cu alcohol of cu droga pa prome biaha”, Monique Giel a relata.

El a agrega cu si un mayor no ta papia cu su yiu riba e temanan cu nan por topa cu ne, pasobra nan no ta consciente di e peligro eyfo, e mester busca instancianan pa yud'e cu esaki.

“Pasobra, nos ta ripara tambe cu muchanan na momento cu bo ta bay papia cu nan, nan ta bisa ‘si mi mayor ta streng, no ta laga mi bay ni un caminda’. P'esey nos tey, y nos ta guia bo con bo por bay ‘onderhandel’ cu bo yiu. Bo ta pone un limite, bo ta pone bo reglanan. Ora cu bo yiu kier bay wak un actividad, por ehemplo, di carnaval, lag'e wak cu bo ta interesa den kico e ta haci, den ken ta su amigonan, cu ken e ta bay, y semper ora cu e ta bin bek semper combersa bek cu ne con a bay. Of durante cu e ta den e actividad, bo ta puntra bo yiu si tur cos ta bayendo bon. Contact'e, yam'e”, señora Giel a señala.

Hopi biaha e muchanan ta bisa cu



nan mayornan ta streng, pero na final nan ta keda contento toch cu nan a pone atencion riba nan. “Mi mayor ta yama mi. Eyan ta unda nan ta bin bij y nan ta pensa riba e reglanan, y riba e limite cu bo palabra cu ne, y tambe ta importante pa dirigi bo yiu riba un

comportacion positivo”, Monique Giel a enfatiza.

P a k i c o ? Pasobra ora nan tin un comportacion negativo nan por cay den man husticia, of nan ta bebe asina hopi cu nan a bay den overdosis, of nan a trece problema pa nan salud y eynan bo

tin cu preveni. “Door di papia cu nan, duna nan tips, y mustra nan riba situacionnan cu por pasa, eynan e mucha ta sintiendo bon pasobra ‘mi mayor kier mi’. Laga bo yiu sinti cu bo tey p'e na momentonan cu ta dificil”, Monique Giel, di WGK, a subraya.

Aeropuerto di Aruba tabata anfitrión di firmamento di buki cu Mauricio Boekhoudt

IDOOR and Others ta un buki tocante e historia rico di aviacion di Aruba



ORANJESTAD (AAN): Aruba Airport Authority N.V. (AAA) ta orguyoso di celebra lansamento di e buki *IDOOR and Others: Aruba's Aviation History 1923-1950*, skirbi p'e experto di aviacion Mauricio Boekhoudt, IAP. E publicacion aki ta pone luz riba e historia rico y fascinante di aviacion na Aruba, for di su prome dianan na aña 1923 te cu e desarojo di e isla como un centro clave di aviacion den Antia Hulandes.

Mauricio Boekhoudt a dedica mas cu 45 aña na e industria di aviacion, cuminsando su carera como controlado di trafico aereo na Aeropuerto di Aruba y despues a fungi como consehero strategico na AAA. Pa medio di investigacion extenso, el a re-

conoce un buraco den e historia documenta di aviacion na Aruba, cu a hib'e pa embarca riba un trayecto pa conserva e herencia unico aki. E resultado ta un relato profundo di e evolucion di aviacion di Aruba, incluyendo e prome pistanan di aterisahe di e isla situa na Savaneta, e establecimiento di servicionan di vuelo comercial, y e rol influyente di Aruba den biahe aereo regional y transatlantico.

Aeropuerto di Aruba ta honra di por a sostene e proyecto importante aki den documentacion di e historia di Aviacion di Aruba. Como parti di e celebracion, AAA a organisa un evento exclusivo di firmamento di buki unda cu e empleadonan a haya e oportunidad unico pa conoce Mau-

ricio Boekhoudt y haya nan copia di buki firma personalmente pa e autor. E iniciativa aki ta refleha e compromiso di AAA pa conserva y promove e herencia di aviacion di nos isla, mientras ta fomenta un conexion mas profundo entre su empleadonan y e historia di nan industria.

“Den nomber di Aruba Airport Authority, nos ta gradici Mauricio Boekhoudt sinceramente pa su dedicacion pa documenta e historia di aviacion. Su trabou ta significativo den preserva e storia y logronan cu a forma nos industria, sigurando cu e futuro generacionnan por aprecia y siña di nan”, asina Jurgen Benschop, Chief Operating Officer y Barbara Brown, Chief Revenue De-

velopment & Communications Officer na Aeropuerto di Aruba a bisa durante e evento. “Nos ta aprecia su contribucion di berdad y ta ansioso pa e impacto cu su buki lo tin riba amantenan di aviacion y e profesionalnan.”

E publicacion “IDOOR and Others: Aruba's Aviation History 1923-1950” ta marca un contribucion grandi na e archivonan historico di Aruba y ta sirbi como un recurso educativo pa e futuro generacionnan. Aeropuerto di Aruba ta felicita Mauricio Boekhoudt cu e logro aki y ta spera di por sigui celebra e herencia di aviacion di Aruba. E buki “IDOOR and Others” ta obtenibel na Plaza Bookshop Aruba.

Informacion di CMO enconexion cu ultimo fin di siman di Aruba su Carnaval

ORANJESTAD (AAN): CMO esta Crisis Management Office Aruba pa medio di esaki ta informa cu pa di dos aña Aruba ta experiencia e plan di seguridad (Veligheidsplan) pa cu Aruba su Carnaval.

Pa e aña aki ta solamente mester a actualisa informacionnan minimal den dicho plan, entre otro cantidad participante persona di Contacto set up di grupo y personanan di contacto. Controlnan a keda tuma luga y e gruponan a keda implementa local tin den e plan esta Seguridad di cada un persona den nan grupo.

Pre-Hospital

Nos tur sa e motivo pa kico a bini cu e Pre-Hospital pero encorto bisa ta pa baha e cantidad di pashentnan cu ta bay na e seccion di emergencia na Hospital pa un situacion cu kisas no ta di gravedad. Cual ta pone un peso riba e seccion di emergencia di nos Hospital.

Dor di trata e pashentnan cu no ta di gravedad cu mester bay na Hospital ta atende esakinan na e Pre-Hospital cual ta conta cu personalnan profesional di Hospital cu ta brinda e servicio aki. E pre-Hospital tambe ta conta cu 5 personal di HOH den cual tin 1 Dokter. Esakinan ta pa intervencionnan chikito, pero den caso cu mester di cuida mas avansa lo manda e pashent na HOH.

SEH (seccion di emergencia) di Hospital Mester sigui Branda Su Servicio na e comunida y na nos Bishitantenan cu no ta bay e celebracion di Carnaval.

Cantidad oficial di awe di Aruba su poblacion registra ta 108.123 CIEN DI OCHO MIL CIEN DI BINTI TRES esaki tin sin entre otro e cantidad di bishitantenan y otronan etc Den e ultimo parada di Luz na Oranjestad a atende lo

minimo di pashent.

Pa e weekend final aki di carnaval lo tin e Pre-Hospital na San Nicolas banda di Theresita Center y na Oranjestad e lo ta banda di ARUTRAM.

CMO ta duna un palabra di Danki pa e Cooperacion na Arubus y Directiva di Theresita.

Conseho di parti di CMO

CMO ta has un Peticion na e Comunidad Completo pa Ban Demuestra un Bon Camportacion pa asina Cada un cu a bin pa disfruta di Aruba su Carnaval, esta Sea como Participante of como Mirones Por Goza Sin cu mester tin preocupacion.

CMO su Team encarga Cu set up di e parti di logistica pa asina e Pre-Hospital ta operacional. Personal den e Pre-Hospital ta di Dr Horacio Oduer Hospital y Rode Kruis Aruba.

CMO ta haci un apelacion na tur cu ta bay e celebracion di Carnaval 2025 aki pa ban duna e miho di nos cada uno.

Na prome luga cada un di nos mester percura pa nos seguridad prome.

Cu esaki ta entre otro:

- Pa esnan cu tin condicion di salud pone bon atencion na bo salud. Departamento di Saluds Publico ta duna recomendacionnan tur aña, pues sigui e consehonan aki.

- Si ta bay cu muchanan, mayor of nan representante tene bon bista y percura pa e conta cu boso cuida tur momento.

- Ban respeta

- Nos autoridadnan

- E personal di DOW cu prome y despues cu parada ta eherce nan trabou.

Duna un man pa ora cu ta bay pone e baricadanan pa no stroba nan y na final di parada kita tur locual abo lo por a pone na e baricanan aki pa asina facilita nan trabou.

- E personal di SERLIMAR cu ta percura pa tene e cayanan limpi despues



di carnaval.

Un apelacion si cada un di nos cu ta bay carnaval hiba un saco di sushi (MASKE DCU TA WORDO PONI BARIAN PERO TAMBE TA PARTI SACO PROME CU PARADA) y cada un di nos tira nos sushinan den e saco of bari e lo facilita e trabou di e personal di SERLIMAR y asina nos tur ta contribui na un Aruba limpi. E no ta costa nos nada pa duna un man.

E gruponan

Laga e participantenan di cada un di e gruponan por disfruta y expone nan obra/ creatividad riba e cayanan di Aruba, no ban stroba nan pa hasi nan

show.

E personal di seguridad di cada grupo si nan pidi abo como mirones pa hala un banda, sea cortes y haci esaki.

Organisacion SMAC

Obedece na ordo ora nan haci e peticion na abo como mirones pa no stroba e parada

Un punto di atencion

Riba e ruta tin Baricadanan, aki por constata cu despues di cada distancia tin un parti habri pa asina den caso di emergencia of mester saca un persona cu no ta forma parti di e carnaval afo via e parti habri aki. Sea asona bon si laga esaki HABRI pasobra esaki tin su fun-

cion. No bay pone stoel, banki etc na e parti habri cu ta stroba y lo bo haya bo mes cada rato ta wordo pidi pa autoridadnan pa laga hende pasa etc.

Laga e espacio asigna pa vehiculonan di emergencia para liber. Corda cu kisas un di nan mester Sali di urgencia ya cu por ta un famia di abo mes cu por tin mester di e ayudo pero dor cu hende no a respeta e espacio aki ta haci cu e vehiculo di emergencia no por duna su servicio na un manera rapido segun nan tin esaki den nan trabou

Ban Disfruta pa asina demostra cu nos por celebra un Carnaval sin ningun incidente grave.

Director di Fundacion SIKI, Jayburtt Dijkhoff

Plataforma “Pashentnan di Aruba” ta cuminsa na un manera hopi verbal unda por vocifera opinion y preocupacionnan

ORANJESTAD (AAN) – E director di Fundacion SIKI señor Jayburtt Dijkhoff, den entrevista cu DIARIO ta menciona cu e plan nan ta cu e Plataforma Pashentnan di Aruba, ta cuminsa na un manera hopi verbal, unda nan ta vocifera nan opinion y preocupacionnan.

“Nos ta bay tin e plataforma unda nos ta bay colecta e opinionnan di diferente pashent, y ta bay tin un grupo activo tambe, den cual por tin mas contacto cu diferente organizacion di pashentnan di pashent cu ta biba bao di nan clientenan”, Jayburtt a señalá.

El a agrega cu e idea tambe ta cu na dado momento lo mester presenta, por ehemplo, un website pa esnan cu ta mas digital, cu anonimamente nan por hasta pone nan preocupacionnan y kico nan a pasa door di djé, den henter e cadena di cuido. “Data importante akinan, cu por haci un cambio drastico, nos no tin” Jayburtt Dijkhoff a señalá.

El a splica cu den e foro gubernamental, na unda cu tur cu tin di haber cu cuido di salud ta bay haya un asiento igual, y eynan nan lo por bay delibera con nan ta bay haci e cuido di salud hopi miho, y cada un ta trece nan perspectiva kico nan ta pensa. Y ta keda hopi importante, cu pash-



entnan tambe tin den contacto anto un asiento den e foro ey.

“P’esey nos a haci tambe e esfuerso grandi aki, pa por mehora e posicion y e voz di e pashent”, señor Jayburtt a acentua y e ta aconseha pa sigui e facebook page “Siki Aruba” unda nan a lanza e plataforma Dia-bierna 28, pa keda

eynan nan lo sigui duna mas informacion. “Y si bo kier ta un persona mas activo, of bo organizacion kier forma di e grupo activo, tambe por sigui nos riba nan p’asina bo persona por agrega bo persona of bo organizacion na e grupo aki”, Jayburtt Dijkhoff a conclui.

PUBLIC AUCTION/ VEILING/FINDISHI



DONDERDAG, 3 APRIL 2025

Om 10.00 a.m., zal ten overstaan van notaris mr. R.E. Yarzagaray of zijn plaatsvervanger, in het Dolphin Room te Surfside Marina aan de L.G. Smith Boulevard 7, in het openbaar bij opbod en daaropvolgende afmijning, een openbare verkoop worden gehouden van de navolgende registergoederen.

Krachtens Artikel 3:268



- Een perceel eigendomsgrond, groot 13.304 m², gelegen te Mahuma in Aruba, kadastraal bekend als Land Aruba Eerste Afdeling Sectie T nummer 1435; en
- een perceel eigendomsgrond, groot 4.287 m², gelegen te Mahuma in Aruba, kadastraal bekend als Land Aruba Eerste Afdeling Sectie T nummer 733; met het daarop gebouwde, plaatselijk bekend als “Buena Vista 11”.

Inzetprijs: Afl. 1.383.420,--



Het recht van erfpacht tot 26 oktober 2065 op een perceel domeingrond, groot 613 m², gelegen te Macuarima in Aruba, kadastraal bekend als Land Aruba Derde Afdeling Sectie D nummer 1187, met het daarop gebouwde, plaatselijk bekend als “Macuarima 131-C”.

Inzetprijs: Afl. 175.000,--

- Op de openbare verkoop zijn de Algemene Veilingsvoorwaarden van Executieveilingen (AVVE) en de Bijzondere Veilingsvoorwaarden van toepassing. Deze liggen ter inzage op ons kantoor. De AVVE zijn gedeponneerd ter Griffie van het Gerecht in Eerste Aanleg Aruba.
- Bieders dienen middels een bankgarantie financiële gegoedheid aan te tonen en een geldig legitimatiebewijs te overleggen.
- Onderhandse biedingen voor bovengemelde registergoederen zijn mogelijk. Een formulier voor het uitbrengen van een onderhands bod kunt u opvragen bij ons kantoor.
- Onderhandse (onvoorwaardelijke) biedingen dienen uiterlijk op **26 maart 2025 vóór 17.00 uur door ons kantoor te zijn ontvangen.**
- Indien het registergoed niet vrij van gebruik door de eigenaar wordt opgeleverd, kan de koper eventueel de ontruiming bewerkstelligen uit kracht van de grosse van het proces-verbaal van veiling en kwijting.
- Aan eventuele onjuistheden en/of onvolledigheden in deze advertentie kunnen geen rechten worden ontleend.
- De opdrachtgever kan de veiling te allen tijde stopzetten, zonder opgave van redenen.

Voor nadere informatie: www.notarisaruba.com of een email sturen naar: auction@notarisaruba.com

SUPER CARD SUPER DEALS



**COMFORT
CLASS**

**Monday
Thursday**

8.00AWG

**Friday
Sunday**

9.00AWG

IMAX

10.00AWG

11.00AWG

VIP

11.00AWG

12.00AWG

**BEST CINEMA AT
THE BEST PRICES!**

Sign up today at any **The Movies** location
and **start enjoying great benefits!**

E colonan di e bandera cu ta identifica e pais a resalta:

Celebracion 181 aniversario Independencia Republica Dominicana

ORANJESTAD (AAN) – Un celebracion di 181 Aniversario di Independencia di Republica Dominicana, senciyo, colorido y concuri, a tuma lugar na Plaza Juan Pablo Duarte, Diahuebs ultimo, dia 27 di februari 2025, na unda e streya central tabata e Bandera Cora, Blanco y Blauw a resalta.

Ademas di e discurso emotivo di e Consul General señor Luis Eludis Delgado, tambe Prome Minister di Aruba a expresa bunita palabranan tocante e importancia cu e presencia di Republica Dominicana tin na Aruba, den cual a exalta e lazonan historico, cultural, di sangre y comercial cu ta existi entre ambos Isla.

Cu un ofrenda floral colorido na pia di su monumento a rindi homenahe na e heroe di Independencia Dominicano, Juan Pablo Duarte y manera e pais ta distingui su mes den henter mundo pa su alegria, tabata tin un ambiente musical caribense.

Riba combinacion di potret por aprecia algun potret cu ta refleja esaki.



Muchanan a disfruta di Parada Escolar na Noord



ORANJESTAD (AAN): Diabierna mainta, e muchanan di e scolnan basico di Noord a gosa un parada espectacular, yena di color, musica y alegria. Cu pañanan briyante, e muchanan a desfila den un ambiente di fiesta, mientras cu hopi hende a sali pa duna nan apoyo.

E evento aki, cu ta un tradicion anual durante e temporada di Carnaval,

Sigui lesa pag.11

Continuacion pagina.10



ta trece hunto e comunidad escolar y ta duna e muchanan e oportunidad pa muestra nan talento y amor pa cu carnaval. Mayornan, maestronan y hende di comunidad a disfruta di e bunita parada cu a duna un briyo special na e mainta aki. Sin duda, e parada escolar na Noord a keda un exito grandi, yen di pa tur hende cu a asisti.



Alegria y Color durante Parada Escolar di Playa

ORANJESTAD (AAN): Diabierna mainta, e cayanan di Oranjestad a yena di color, musica y alegria durante e Parada Escolar di Scolnan Secundario y Avansa na Oranjestad. Muchanan di scolnan di e area a desfila cu hopi entusiasmo, bisti na pañanan briyante y carnavalesco.

E Parada Escolar aki tambe a resulta den un exito grandi, a crea un ambiente di union y felicidad cerca e hobennan.



Continuacion pagina.12





RESULTADO DI SORTEONAN PA CORTESIA DI CADENA ALEXANDER

— Diabierna 28 Februari 2025 —

 DIARIO	 KORSOU	 LUCKY 3	 CAT4CHI	 ZODIAC
Anochi 9594 9964 9303	Anochi 0060 1717 2827	Merdia 371 FP	Merdia 5092 2766 FP 0656	Merdia 0768 Virgo
Anochi 517 FP	Anochi 3403 6138 FP 7280	Anochi 6714 Tauro	SUPER 4 Anochi 8181	

BIG 4
Merdia X2 9589
Anochi X2 1219

OFF
Merdia 3041
Anochi 1571

LOTTO
DI DIA
11 - 15 - 22 - 26 - 28
Siguiente jackpot: 62.000



PRIJS: 2.00 Florin ehemplar
ABONO: 40 Florin pa luna

EDITOR
Agencia Arubano di Noticia

FUNDADOR
† Jossy M. Mansur

DIRECTORIAN
Eduardo Mansur
Luis M. Mansur
Damilice Mansur

REDACTOR Coordinativo
Aureen Werleman

REDACTOR Ehecutivo
Nilton Lacle
Yorleny Oduber-Quesada
Tania Cunha

REDACTOR
Mercedes Abdul-Hamid
Django Simoons
Giovanni Lane

REPORTERO
Hubert Tiel

AVISOS Y ARTE
Franklin Peña (Hefe)
Susy Maduro (Project Manager)
Miguel Garcia
Glenn Gonzaga
Robert Simoons

ADMINISTRACION
Freddy Barreto (hefe di personal)

RECEPCIONISTA
Vivian Maduro

LAYOUT
Alex Croes
Ricardo Jimenez

IMPRESION
William Quiceno
Raul Valencia

ADRES
DIARIO N.V.
www.diario.aw



ALMANAC



Bahada y salida di solo na Aruba

—1 Maart 2025
Solo ta baha: 6:49 p.m.

—2 Maart 2025
Solo ta sali: 6:55 a.m.
Solo ta baha: 6:49 p.m.

—3 Maart 2025
Solo ta sali: 6:55 a.m.
Solo ta baha: 6:49 p.m.

—4 Maart 2025
Solo ta sali: 6:54 a.m.
Solo ta baha: 6:50 p.m.

—5 Maart 2025
Solo ta sali: 6:54 a.m.



Lista di Crusero di bishita na Aruba

—Diasabra 1 Mar. 2025:
Star Pride:
06:00 - 18:00)
The World:
(09:00 until Sun 2nd)

—Diadomingo 2 Mar. 2025:
AIDAprila:
(08:00 - 18:00)
The World:
(Debarks at 23:00)
Celebrity Beyond:
(09:00 - 21:00)

—Dialuna 3 Mar. 2025:
Celebrity Eclipse:

EMERGENCIA NA ARUBA

Feliz Carnaval 2025

DOCTER NA WARD

SAN NICOLAS:

1 Maart: Dr. Blanca.
2 Maart: Dr. Vallejo
3 Maart: Dr. Barrezueta

Servicio ta conta mainta 9'or pa 10'or y atardi 5'or pa 6'or.

ORANJESTAD:

Pa Oranjestad, Docter lo ta na Huisartsenpost na Hospital.
Docter lo tey di 9:00 am pa 1:00 p.m., y di 6:00 p.m. pa 10:00 p.m.

BOTICA NA WARD

Info cortesia: www.iva.aw

PARIBA DI BRUG:
Botica Aloë NV
Pos Chikito 83
Telefon 584-4606

PABAO DI BRUG:
Botica Kibrahacha NV
Bubali 72
Telefon 583-4908

DENTISTA NA WARD

Weekend di Carnaval 71



— 1 y 2 Maart 2025 —
Dr. Denise Villanueva,
K. Residence Ponton Walishali 52.
Telefon: 583-8487

— 3 Maart 2025 —
Dr. Thais Sanchez, Palm Beach 25.,
Telefon: 586-9510

ATENCION Diasabra y Diadomingo, Dentista na warda lo ta merdia na clinica di 12'or pa 1'or. Bo tin di paga 125 Florin pa consulta. Procedimentonan manera ranca djente lo costa extra.

Mini Mega

Diabierna 28 Februari 2025
Sorteo #1745

05 11 29 30

• • • Mega Ball: 3

1^{er} Premio: Tin **1 ganador JACKPOT**

2^{do} Premio: Tin **12 ganador di Match 4**

3^{er} Premio: Tin **73 ganador di 500 Florin**

4^{to} Premio: Tin **809 ganador di 50 Florin**

5^{to} Premio: Cu **1.256 ganador di 15 Florin**

Jackpot pa e proximo Sorteo Mini Mega: 4 MAR. 2025
Afl. 250.000,- • MEGA PLUS: Afl. 350.000,-

Ticket ganador di 4.35 miyon bendi na Mahuma Lottery



ORANJESTAD (AAN): Tin un persona cu 1 ticket di Mini Mega cu tin balor di 4.35 miyon Florin. El a gana e Mini Mega hunto cu e Mega Plus cu e numernan: 05, 11, 29, 30.

E ticket a wordo bendi na Mahuma Lottery, cu ta situa riba e caminda di Mahuma pa Pabilon. Riba Diabierna, segun e rebendedora Mireya Granadillo, nan a bende masha hopi hende mes. Mayoria hende cu ta cumpra eynan ta di Wayaca, Mahuma, Santa Marta, Sabana Grandi, Pabilon, Macuarima, Santa Cruz, Barcadera, Simeon Antonio, Parkietenbos, y Cas Paloma.

E speranza tey cu e dlanan aki ora cu ciudadanonan bay laba paña, pa controla tur carson y camisa bon, prome cu bo laba y “perde ticket”.

E ganador di 4.35 miyon por cuminsa busca su premio entrante Diamars venidero. E tin 90 dia di tempo pa bay reclama su premio.

Tin 12 ganador 2do premio, y cada uno ta haya Afl. 5.766.

Como bendedor di e jackpot, Mahuma Lottery tambe lo haya un compensacion.

INFORMACION PA PUBLICACION

REMITIDO

E exigencianan di DIARIO pa publicacion di cualkier remitido ta cu esaki mester bin den forma electronico (sea via Whatsapp 561-5325, FB Messenger, E-mail, USB Drive, CD-ROM), incluyendo number, adres, telefon, y firma di e remitente. Mester presenta cu un cedula of ID valido pa verifica e number y adres. DIARIO lo saca fotocopia di bo cedula of rijbewijs! Bo mester enfatiza di antemano, si acaso bo no kier pa bo number worde menciona como remitente!

(Atencion: Ora cu bo no kier pone bo number bao di un remitido, anto automaticamente den e texto bo **NO POR** menciona number di hende of entidad).

Remitidonan manda via E-Mail mester tin number completo di e remitente, tambe su adres, telefon y firma pa asina e worde verifica prome cu publicacion.

Textonan por ser edita segun espacio, y gramatica tambe lo ser drecha. **No tin garantia** cu e Remitido lo sali mesora den e proximo edicion! Tuma bon nota cu e Remitidonan lo ser publica segun espacio disponible den e edicion.

CUMPLEAÑOS

Pa publicacion di felicitacion pa cumpleaños di 1 aña bay ariba, NO ta acepta foto traha via di fotocopia, tampoco caricatura, ni pa animal. Manda foto na “noticia@diario.aw”

Contents ©2025 Matutino DIARIO

COPYRIGHT: Nada den DIARIO mag di worde copia sin permiso di Agencia Arubano di Noticia.

Columna E Sembrado



Diasabra 1 maart 2025. Di shete siman den tempo ordinario aña 2025
Ciclo C

Calendario Liturgico

Lectura: Sirag 17,1-15;

Salmo: 103;

Evangelio: Marco 10, 13-16;

"Laga e muchanan bini cerca Mi." Marco 10, 14

Den e encuentro cu e palabra pa medio di e evangelista Marco por nota cu e discipelnan ta scual e hendenan cu ta trece nan yiunan pa Hesus pone su man riba nan. Igualmente, nos cu ta mayornan tambe tin di corda hiba nos muchanan santo misa, alomenos riba diadomingo na unda Hesus ta spera nan pa brasa y bendiciona nan. Reino di Dios rumannan ta pa esnan cu ta inocente y bibito manera un mucha. Un adulto hopi bes ta manipula, tin mal intencion, ta engañoso, ta sconde pa e berdad y hopi biaha nos accion y nos palabranan no ta di mas bon ehempel. Reino di Dios a ser construi riba e pacto di amor y sacrificio di Hesus hunto cu e gracia di Spirito Santo. Esnan cu ta gusta rikesa ta buske den reino di mundo mientras esnan cu ta busca Hesus ta esnan cu ta ser scogi pa e Reino eterno y ta ricibi e abraso misericordioso di Dios. Corda cu nos bida riba tera ta cortico, con nos lo ta dia cu nos no t'ey mas y tin di encontra cu Hesus?

Oracion: Señor, Bo a bini na mundo como nos salvador y Bo ta bolbe den bo Reino como nos hues, nos ta pidi Bo pa tene piedad y misericordia cu nos. Amen.

Grupo Centro Pastoral

> SUDOKU <

Conceptis Sudoku

By Dave Green

4		3						
		9			6			
7	5		3		4			
		6		8		7	5	
	3	7		2		1		
			8		5		2	4
			1			5		
						9		3

Difficulty Level ★★★★★

10/01

HARI UN TIKI

Dos persona ta den un manicomio y Pepe a bisa Maria "Maria, bo kier casa cumi?"

Y Maria a bise "Bo ta loco?"

Pepe a bise "Y bo ta kinan di vakantie anto?"

BUSCA PALABRA

CENSUS

Q Y R S B N S X F I B P J U S H Q I U C
K A W D Z A N C V K N Y H E P C L Q D W
O C I M O N O C E C D S Q O V G P T E T
E C Y Z Q O K O V G Q S T P V E F O P N
T P J Z O D G D T D F Q L A T M V S A E
N V M J V A B K Z N B H J N N V R B R U
A A H W I E I Q N F E W E Y F T O J T F
T R V K P L E G F C O M P A N I A N A N
N B J D S P P X P S L O A U K A U N M Z
E S U I K M N M M A U B A N H J W P E I
S O K V V E T H R R Q J C X O W T R N O
E S Y D A J U U G Q R J T L I I M C T A
R C I I S R T B U N V N I V H I C M O D
P P J C I A E D L D A E V T G Y I N C H
E V I G N T O L A N J B I Q Z P L D U T
R X F G A I V Y A C X H D A C F L V P F
K G O M G K F R R C I S A L C O V M N P
L I S I R S U H G X I T D H F K P B R V
D G V Z O T L C U N S O S M O D I O W S
G O T W A S H N A T D B N I O F D Q P N
O O A C B B C N A P S Z I A D U J E I M
C L A G B N D N P K I S T U C A A L F K
R V R J X A D R U K D H M T A Z T O D W
W Z S X D A P R K O L P O C M I E S E J
K R F I R H F F G T V N V F R J B Z E Z
G F T D G D I G I T A L I Z A C I O N L
S N N H A L Z N A N O I C I V R E S L D
E A K V L A N O I C A N R E T N I P G O
N F N M K T F I N A N C I E R O L M O M
L S D E L C M R V Q U Q U C T F Z H C Z

ACTIVIDAD
COMPANIANAN
DEPARTAMENTO
DIGITALIZACION
ECONOMICO
EMPLEADONAN
ENTIDADNAN
ESTADISTICA
FINANCIERO
FUNCIONAMENTO
INSTANTANEO
INTERNACIONAL
NATURALMENTE
ORGANISA
PRODUCTONAN
RELACIONA
REPRESENTANTE
SERVICIONAN
STANDARDNAN
VACATURANAN

Answer to previous puzzle

4	8	2	3	9	5	7	6	1
6	5	7	4	2	1	9	3	8
3	9	1	6	8	7	2	4	5
5	3	9	8	1	6	4	7	2
1	4	6	5	7	2	8	9	3
2	7	8	9	3	4	1	5	6
9	6	4	2	5	8	3	1	7
8	1	5	7	4	3	6	2	9
7	2	3	1	6	9	5	8	4

Difficulty Level ★★★

7/28

Parada di Luz San Nicolas cu hopi ambiente



ANUNCIO

En conexion cu dialuna di Carnaval, SETAR ta informa cu tur su oficinanan y teleshopnan lo ta cera:

- Dialuna 3 di maart 2025

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of WhatsApp na 597-9999.



ORANJESTAD (AAN): Diahuebs anochi a tuma luga na San Nicolas e Parada di Luz na San Nicolas. Esaki a inicia na Joe Laveist Ballpark pa 8 pm. E parada tabata uno cortico pa mira, pero si a ripara cu tabata tin hopi ambiente.

E gruponan y e participantenan como tambe publico a sa di gosa masha hopi mes!

Kiwanis Club of Aruba ta celebra 60 aña di existencia



ORANJESTAD (AAN): e miembronan di Kiwanis Club of Aruba a celebra 60 aña di existencia na La Cabana Beach Resort &

Casino. Invitado special pa e jubileo aki tawata Gobernador di Aruba, S.E. Sr. Alfonso Boekhoudt cu a wordo ricibi cu un caluroso bon bini den e ballroom door di Presidente Tessely Koolman-Ranis y tambe Sr. Pierre Kock, F&B director di La Cabana Beach Resort & Casino, hunto cu tur miembro presente.

Maestro di ceremonia Sr. Ebby Schwengle, dobel distinguido ex Presidente, a yama un bon bini na tur miembro presente y a elabora riba e historia di Kiwanis Club of Aruba cu a cuminsa 21 di november 1964, unda Sr. Clinton Whitfield q.e.p.d. e tempo ey como e prome Presidente a ricibi un delegacion di Canada durante e prome reunion.

Diferente topico a ser treci dilanti e tempo ey cu e meta principal pa yuda e comunidad di Aruba, muy en particular muchanan den necesidad. Cu yen di entusiasmo Sr. Clinton Whitfield q.e.p.d. hunto cu su directiva y miembronan nobo a acepta e reto aki. Dia 21 di februario 1964 Kiwanis Club of Aruba a wordo oficialisa recibiendo e "charter" for di representantenan di Kiwanis International.

E vision di Sr. Clint Whitfield q.e.p.d. ta algo unico cu te dia di awe a keda intacto y mientras tanto a pone cu actualmente tin diferente Kiwanis Club na Aruba sea pa adulto, hobennan adulto y hobennan cu en total ta conta cu un alrededor di 300 miembro.

Distinguido Gobernador di Kiwanis Club of Aruba, Sr. Robert Spellén, a sigui elabora riba e diferente proyectonan cu a ser ehecuta den pasado spliando con den maneranan creativo e club a recauda fondonan pa asina continuamente por a sostene e

comunidad den su necesidadnan y e importancia pa sigui hasi esaki. Distinguido Vice Gobernador di Kiwanis Club of Aruba, Sr. Giantonio Muller, a elabora riba e proyecto exitoso cu e la inicia durante di su signatura na 2017, es ta e "Christmas Ornaments" cu anualmente a recaudo sumanan significante, asina aportando na un bon causa ehecuta pa Fundacion Ban Uni Man pa Cria nos muchanan.

Den presencia di tur invitado special y tur miembro, un cheque simbolico di Awg. 15mil florin a wordo presenta na Presidente y miembro di Fundacion Ban Uni Man pa Cria nos Muchanan, Sr. Jonn Fun y Rachelle Roos cu a elabora riba e trabou importante y indispensable cu ta wordo hasi pa asina durante oranan di scol muchanan den necesidad por ricibi un desayuno diariamente. Un causa importante cu Kiwanis Club of Aruba ta sosteniendo pa casi 25 aña!

Un momento special tambe a presenta pa Sr. Andre Kelly, cu durante di e celebracion special aki, a ser re-instala como miembro di Kiwanis Club of Aruba, cu den pasado tabata Presidente y tambe Vice Gobernador, representando algun aña atras Kiwanis Club of Young Professionals, awor yama Kiwanis Club of Aruba Trade Leaders.

E celebracion a wordo clausura cu un discurso bunita presenta pa Gobernador di Aruba, S.E. Sr. Alfonso Boekhoudt.

Kiwanis Club of Aruba ta desea di gradici tur persona y tambe tur instancia cu den un of otro manera durante su 60 aña di existencia a kere y a aporta na e meta principal pa yuda e muchanan den necesidad.

UN SNECHI DI PALABRA DI DIOS

VIII DIADOMINGO DEN AÑA

02.03.25 #509

I lectura: Sir 27, 4-7

Salmo 92

II lectura: 1Cor 15, 54-58

Evangelio: Lc 6, 39-45



Den e tempo aya Hesus a duna su discipelnan un comparacion: "Un ciego por guia un otro ciego? No ta tur dos ta cay hunto den buraco e ora ey? Un discipel no ta mas halto cu su maestro, ma un discipel bon instrui lo bira mescos cu su maestro. Dicon bo ta mira e splinter den wowo di bo ruman y e balki den bo mes wowo si bo no ta ripara? Con bo por bisa bo ruman: 'Ruman, laga mi saca e splinter for di bo wowo', mientras bo mes no ta mira e balki den bo wowo? Hipocrita, saca e balki for di bo mes wowo prome, anto e ora ey bo por mira bon pa saca e splinter for di wowo di bo ruman. Un bon palo no ta pari mal fruta y un palo malo no ta pari bon fruta. Bo ta reconoce cada palo na su mes fruta. No por piki figo for di un mata di sumpiña ni cosecha druif for di cadushi. Un bon hende ta saca cos bon for di mangasina di su curason; un mal hende ta saca cos malo for di mangasina di su curason. Pasobra boca ta papia loke curason ta yena cu ne."

Palabra di Señor.

MENSAHE

Siman pasa nos a lesa den evangelio: "No husga y Dios lo no husga boso...." Awe nos ta sigui cu mesun advertencia di Hesus: "Dicon bo ta mira e splinter den wowo di bo ruman y e balki den bo mes wowo si bo no ta ripara?"

Masha facil nos ta husga y condena otro y descuida nos propio manera di biba. Awendia nos ta sinti un gran falta di lidernan cu por guia otro segun principianan cristian. Ta parce cu ciegonan ta guia otro ciego.

Mar'e palabra di awe yuda cada un di nos di wak nos paden. No cay den tentacion pa evalua bida di bo prohimo. Wak bo mes. "Un bon hende ta saca cos bon for di mangasina di su curason; un mal hende ta saca cos malo for di mangasina di su curason."

Palabra di Dios ta un 'material' ideal pa duna tratamento na nos curason. Palabra di Dios tin poder pa purifica y sana. E ta coregi, confirma, consola, guia, apoya ...

Palabra di Dios por haci di nos curason un deposito di balornan divino. E ora ey nos por saca for di dje bon fruta y partie cu otro.

Un curason cu ta yen di Dios nunca ta bay husga of condena otro. Mas bien su puresa y bondad di un forma silencioso ta bay 'contagia' otro cu loke ta bon. En cambio si nos curason a yena cu mal influencia den nos famia of ambiente e lo saca afo loke tin aden: resentimiento, huicio, rivalidad, ofensanan, odio, locura, inmoralidad, corrupcion ...

Nos sa uza e proverbio: "De tal palo tal astilla" of na papiamento: "un fruta no ta cay leu fo'i palo". Nos ta keda beneficia of afecta cu formacion ricibi na cas y den nos ambiente. Despues nos parti cu otro loke nos a haya.

Ban pone atencion cu kico nos ta yena nos curason. Ban pone atencion si nos ta sigui bon guia (cristian) pa despues guia otro riba bon caminda.



ORACION

Danki Señor pa tur hende cu Bo a pone riba mi caminda, cu a yuda mi reconoce Bo como mi Maestro y Salvador.

PROPOSITO

Evita tur critica y papiamento riba otro.



Inscribi bo yiu pa scol Basico y Mavo pa e proximo año escolar na SKOA



ORANJESTAD (AAN): Inscripcion pa e proximo año escolar pa scol basico y mavo a habri na SKOA. Mayornan ya caba por inscribi nan yiunan na un scol di SKOA pa asina sigura nan luga pa año escolar 2025-2026.

Con pa inscribi?

SKOA ta ofrece inscripcion completamente online. Por inscribi via nos website www.skoa.aw pa

asina inscribi completamente online. Por inscribi via email na aplicacion@sko.a.w. Por inscribi tambe via WhatsApp na +297 748 5995 y sigui e pasonan pa completa e inscripcion.

Ora di inscribi mester pone bon atencion ariba e documentonan necesario pa asina por cumpli cu e proceso di inscripcion di cada yiu exitosamente. Pa mayornan cu ya caba tin yiu inscribi na SKOA por

haci inscripcion di e yiu cu ta bay cuminsa basis of secundario via nos systema di SAS.

Contribucion di mayor

E tarifa di contribucion di mayor pa e proximo año escolar pa basis y mavo:

Pa basisschool schoolgeld ta Awg. 275,- y aircogeld ta Awg.150,-

Pa mavoschool schoolgeld ta Awg. 350,- y aircogeld ta Awg.150,-

Pa por completa inscripcion pa año escolar nobo di 2025-2026, mester cumpli cu e requisito di SKOA cu ta rekeri e contribucion di “schoolgeld y airco geld” di 2024-2025 ta completo paga. Mayornan cu ta desea un areglo di pago por haci peticion pa esaki.



Scoge pa un bon educacion, na SKOA nos ta enfoca ariba e desaroyo y crecimiento completo di cada mucha y alumno. Nos ta ofrece educacion di calidad cu ta enfatisa e balornan Catolico, comunicacion na nivel multilingual,

diversidad, innovacion y actividadnan extra-curricular. Nos muchanan y alumno ta ricibi educacion cu ta prepara nan bon pa e futuro di mañan.

SKOA tey pa guia tur mayor durante e proceso di inscripcion.

Confisca boto sin permiso transportando turistanan na St. Maarten



PHILIPSBURG: Durante cu unidad di Wardacosta di Caribe Hulandes hunto cu inspector di Asuntonan Maritimo ta patruyando na Simpson Bay na St. Maarten, nan a bin ripara

un boto chikito cu ta fabrica di material transparente, sin nomber ni matricula ta nabegando. Abordo nan a mira cu tin 4 turista, y dos miembro di tripulacion.

Wardacosta a bay atende

nan, y e capitan no tabatin ningun documento legal pa dune permiso pa nabega cu e boto aki, y tampoco no tin ningun documento cu ta dune licencia pa haci negoshi. Nan a duna e capitan un boet pasobra a viola reglanan basico. E otro miembro di tripulacion a keda deteni, pasobra a resulta cu e ta un stranhero ilegal na St. Maarten. E boto raro aki tambe a wordo confiscado. E turistanan a wordo transporta na forma safe bek pa e Pier unda nan a subi e boto aki.

Un accident chikito despues di Parada Escolar riba Vondellaan



ORANJESTAD (AAN): Tabata Diabierna poco despues cu e Parada Escolar pa Scolnan Avanza a pasa den Vondellaan, cu un accident a socede net na e cruzada cu Beaujonstraat y Victor Hugostraat.

Un auto compacto Kia Picanto color offwhite cu number A-12893 corriendo riba Vondellaan a bay sortea pa su man robez pa dreña den Beaujonstraat. Mesun momento un otro auto compacto Kia Picanto color blanco saliendo for di Victor Hugostraat a sali y bira na su man robez y dreña Vondellaan.

Consecuentemente e dos autonan aki di mesun mar-



ca a bay dal den otro manera por mira riba e potret. No tabatin herido den e accident aki, pero e chauffeur femenino hoben den e prome Kia Picanto a keda cu un tiki spanto pa cu e socedido.

Aki por mira nan ta wardando Roadservice pa bin atende e accident.

Gracielys a gana 50 mil cu sorteo di Zodiac

ORANJESTAD (AAN): E wegá di Zodiac ta sigui di ta popular, y recién Gracielys a compra su numbernan di suerte. El a tuma nota cu su numbernan a sali tambe, y pesey a acudi na oficina di Lotto pa reclama su premio.


Aki e funcionaria a revisa su ticket pa check si el a pone su firma y numbernan di banco na parti patras di e ticket. Ora di scan e barcode, e computer a confirma cu Gracielys a gana 50.000 Florin cu e sorteo di Zodiac.

Mesora a sigui cu e proceso pa transferi e premio electronicamente pa su cuenta di banco. Gracielys a indica cu e ticket ganador el a cum-



pra na Anita's Snack & Lottery.

Militarnan di Aruba y Curaçao a sobresali den famoso Texas Trail Roundup



ORANJESTAD (AAN): Manera ta conoci, e asina yama “Texas Trail Roundup” ta un evento internacional di 3-dia di caminata, cu ta wordo organiza pa ‘America’s Walking Club’ na San Antonio, Texas. E ta wordo organiza anualmente na final di e winter frieud di Texas.

Y e biaha aki un grupo di militar di Caribe, e.o. Aruba y Curaçao, a bay participa den e caminata pisa aki. Esnan di Caribe a logra crea un record tambe na e Texas Trail Roundup aki na San Antonio. Den tres dia nan a cubri tres distancia, esta di 10 kilometer, 42 kilometer, y 21 kilometer.

Mescos cu e famoso ‘Vierdaagse di Nijmegen’ na Hulanda, tabatin cada dia un ruta diferente riba programa. E enfoke aki tabata dirigi riba teamwork, forza, y perseverancia, y e militarnan di Caribe a demostra cu nan tin tur esey completamente

bao control. Nan tabata cana tur caminda cu nan bandera di Aruba, bandera di Curaçao, y tambe bandera di Merca riba nan rugtas.

Nan esfuerso a wordo recompensa cu e ‘Golden Booth Award’, cu ta un trofeo

honorario pa e unidad militar cu a duna mihor prestacion. E reconocimiento cu lo keda cu e nomber ‘CARMIL’ poni riba dje pa e siguiente 12 añanan. Riba combinacion di potret por mira mas di e grupo canando rond na Texas cu nan bandera.

Ow, my Duck! a haci un cos den cayanan di Oranjestad



ORANJESTAD (AAN): Colegio San Antonio a celebra carnaval den cayanan di Oranjestad hunto alumnonan di De Schakel College y International School of Aruba. Mama Mia Buleria tabata encarga pa pone nos muchanan baila y gosa. Carnaval ta un oportunidad pa celebra bida! E hobennan a bisti bunita t-shirts patrocina door di Aruba Bank N.V.



Enrique a gana 10 mil cu numbertan vast pa Big 4



ORANJESTAD (AAN): E tin su numbertan vast ta hunga, y e biaha aki el a ripara mesora cu el a gana.

Pesey Diabierna mes el a acudi na oficina di Lotto pa reclama su premio. Aki e funcionaria a revisa su ticket pa check si el a firma e parti patras, y ora di scan e barcode, computer a confirma cu Enrique a gana 10.000 Florin cu sorteo di Big 4 Merdia.

Mesora a sigui cu e proceso pa transferi e premio electronicamente pa su cuenta di banco. Enrique a indica cu e ticket ganador mes el a cumpra na Sunshine Lottery.

DEPORTE INTERNACIONAL

LeBron ta hiba Lakers pa victoria contra Wolves



LOS ANGELES: Los Angeles Lakers Diahuebs anochi no a hunga nan mihor wega, fayando bastante tiro liber y intentonan di 3 punto.

Sinembargo, LeBron James a rescata e anochi logrando 33 punto y 17 rebounds, pa yuda Lakers gana Minnesota Timberwolves 111-102.

Tabata di 4 triunfo consecutivo di Los Angeles.

Austin Reaves a contribui cu 23 punto, 6 rebounds y 5 asistencia,

mientras cu Luka Doncic a termina cu 21 punto y 13 rebounds.

Di otro banda maximo anotador pa Minnesota tabata Terrence Shannon Jr., cu 25 punto y 5 rebounds, mientras cu Anthony Edwards a contribui cu 18 punto, 6 rebounds y 5 asistencia.

E parti negativo pa Lakers ta e hecho cu nan a perde Rui Hachimura cu un lesion di rudia.

No ta conoci ainda con largo e ta bay ta pafo di accion.

Prome triple-double di Zion a yuda Pelicans gana Spurs



PHOENIX: Diahuebs Zion Williamson a logra e prome triple-double di su carera.


El a logra 27 punto, 10 rebounds y 11 asistencia, pa yuda New Orleans Pelicans gana Phoenix Suns 124-116.

Tabata di tres victoria consecutivo pa Pelicans.

CJ McCollum a contribui pa New Orleans cu 19 punto, mientras cu Karlo Matkovic a yuda cu 17 punto y 10 rebounds.

Di otro banda maximo anotador pa Suns tabata Devin Booker cu 36 punto, 7 rebounds y 9 asistencia, mientras cu Kevin Durant a termina cu 28 punto y 5 rebounds.

Bayern Munich a bin bek pa gana Stuttgart 3-1



ALEMANIA: Hungando na cas Diabierna VfB Stuttgart a cumenza bon, pero na final nan a perde 3-1 contra Bayern Munich.

E gol di Stuttgart a wordo anota pa Angello Stiller den di 34 minuut, pero den di 45 minuut Michael Olise a empata e wega pa Bayern. Den di 64 minuut Leon Goretzka a

anota e 2-1 pa Bayern, mientras cu pa segura e triunfo Kingsley Coman a anota e tercer gol pa e ekipo di Munich.

Cu e resultado Bayern ta keda stabil na prome lugar di Bundesliga cu 61 punto den 24 wega, mientras cu Stuttgart tan a di 7 lugar cu 36 punto.

Pujols ta bay bira manager di seleccion di Republica Dominicana pa WBC



SANTO DOMINGO: Dominican Republic ta preparando pa nombra futuro miembro di Hall of Fame di baseball, Albert Pujols, como e manager di nan seleccion cu ta bay participa na e World Baseball Classic (WBC) di 2026, segun Enrique Rojas di ESPN. Recientemente Pujols como man-

ager di Leones del Escogido a guia e ekipo na bira campeon di Caribbean Series y tambe campeon di e Liga di Winter di Republica Dominicana.

Pujols como hungador a representa Republica Dominicana den e prome edicion di WBC na 2006.

Noticianan for di Hulanda

Cantidad record di candela di auto

Brandweer tin cu paga candela cada 1 ora y mey



HULANDA: Un cantidad record di doño di auto a wak nan propiedad wordo kima por completo e aña cu a pasa.

En total brandweer a drenta den accion 6500 biaha, relaciona cu un melding di candela di auto.

Esaki segun cifranan di instituto di seguridad NIPV.

Locual na prome instancia tabata

monstra di ta un problema di ciudadnan grandi so, awor e problema a plama pa hopi mas caminda rond Hulanda.

Esaki ta nifica cu casi tur 1 ora y mey, un caminda na Hulanda brandweer tin cu sali bay paga un of mas candela di auto.

Esaki na 10% mas frecuentemente cu na 2023.

Dos laga den libertad despues di hayazgo di muher morto na Den Haag



DEN HAAG: Tin un total di tres sospechoso cu a wordo deteni, pa posibel envolvimento den un caso den cual un muher a wordo haya morto na Den Haag, pero Diabierna dos di nan a wordo laga bek den libertad.

“Te aworaki no tin suficiente indicacionnan cu e personanan aki ta involvi den morto di e victima”,

segun Ministerio Publico.

Un muher di 40 aña y un homber di 55 aña a wordo laga den libertad, pero e tercer sospechoso ainda ta den detencion preventivo, como cu e tabata tin e carchi di ATM di e victima den su posesion.

E victima di 36 aña a wordo descubri Diasabra alrededor di 14.05 den un cas den Kolenwagenslag.

Homber busca na Arnhem, cu a scop muher hoben for di bicicleta y a mishi cune



ARNHEM: Na Arnhem tin un homber cu ta wordo busca, pa e hecho cu el a scop un muher hoben for di su bicicleta y a mishi cune na un manera inapropia.

Polis a comparti un potret di e sospechoso, cu e speranza di por ricibi tips.

E muher hoben a pasa un anochi di susto riba Dia di Rey, April aña

pasa.

Riba e anochi na dado momento e homber desconoci a drenta un combersacion cu e muher tabata tin cu un colega.

Despues cu e muher a bay for di e lugar e homber a sigui y na dado momento el a comete e acto lamentable.

Mucha homber di Vlaardingen (13) deteni pa caso di atraco

Muher di 65 aña a wordo hinca den lomba



VLAARDINGEN: Un mucha homber di 13 aña di Vlaardingen a wordo deteni pa un caso bastante fastioso y lamentable.

E hoben ta wordo acusa di ta involvi den un caso di atraco riba caminda, riba 12 di Februari na Schiedam.

E atraco no tabata exitoso, pero durante e intento un muher di Vlaardingen a wordo herida.

E muher di 65 aña a wordo hinca den su lomba.

E caso ta wordo investiga, pa determina kico exactamente a tuma lugar.

Noticia Internacional

Microsoft lo cera Skype na mei



REDMOND: Microsoft a dicidi di cera Skype, e servicio di video-yamada cu nan a cumpra pa 8.500 miyon di dollar na 2011. E compania gigante tecnologico a anuncia diabierna cu nan lo cera Skype na mei y lo traslada algun di su servicionan na Microsoft Teams, su plataforma principal di video-conferencia. E usuarionan di Skype por usa nan cuen-tanan existente pa inicia un sesion den Teams. Microsoft a duna prioridad durante añanan na Teams riba Skype y e decision di

descontinua esaki ta parti di un cambio mas amplio den e manera cu hende ta comunica online. Funda na 2003 pa un grupo di ingeniero na Tallin, Estonia, Skype tabata pionero den haci yamadanan telefonico usando internet na lugar di linea fiho. Nan a agrega video-yamada despues cu e minorista online eBay a cumpra e servicio na 2005. Pa 2011, cuando Microsoft a cumpra eBay, Skype a conta cu aproximadamente 170 miyon di usuario rond mundo.

Mey miyon di persona ta wardando deportacion for di Canada



TORONTO: Alrededor di mey miyon di persona ta wardando pa wordo deporta for di Canada, segun cifranan proporciona pa Agencia di Servicionan di Frontera di Canada (CBSA). CBSA tambe a señala cu 16.860 persona a wordo deporta na 2024, un 11 % mas cu e aña anterior y e cifra mas halto desde 2019. E grupo mas grandi personanan deporta na 2024 tabata ciudadanonan mexicano (3.759). Despues di Mexico tabata India (1.932) y Colombia (956).

Di esnan deporta, 13.527 a fracasa den nan solicitud di refugio. Di otro banda, di e casi 500.000 individuo cu ta wardando pa wordo deporta, 30.000 a wordo busca pa autoridadnan canades. E ciudadanonan di Mexico tambe ta riba top di e lista di individuonan cu ta wardando pa wordo deporta e aña aki for di Canada, cu 7.806 persona. sigui pa India (4.947), Merca (1.813), China (1.523), Haiti (980), Nigeria (922), Colombia (857), Pakistan (828), Chile (512) y Brasil (495). Pa fin di 2024, Canada a

anuncia un plan drastico pa reduci e cantidad di stranhero den e pais. Di awo pa 2027, Gobierno Canades kier reduci e cantidad di residente temporal na 500.000 persona. Actualmente, Canada tin 2,5 miyon di residente temporal. Ademá, e pais lo reduci e cantidad di residente permanente na un 20 % den mesun periodo: e aña aki nan lo acepta 395.000 inmigrante, den 2026 e cifra lo reduci na 380.000 y na 2027 na 365.000.

Guterres ta spera cu Merca “revoca” recorte na ayudo humanitario

NEW YORK: Secretario General di Nacionnan Uni, Antonio Guterres, a bisa cu e ta spera cu gobierno di Merca lo “revoca” su decision di recorta drásticamente programanan di ayudo humanitario, y a recorda cu e recorte por resulta contraproducente pa Washington. “E reduccion di influencia y rol mericano ta bay contra interes global di Merca pa motibo cu nan ta bay causa un mundo menos saludable, menos safe y menos prospero”, Guterres a bisa den un declaracion na prensa, despues cu el a ricibi “den ultimo 48 ora” un comunicado cu “recorte severo” di financiamiento

cu ta afecta varios agencia di Nacionnan Uni. E reduccion di ayudo exterior -un di varios medida anuncia pa Gobierno di Donald Trump bao di su plan pa reduci gastonan publico- ta bay afecta, segun Guterres, areanan asina diferente manera lucha contra narcotrafico, contra terrorismo, ayudo na desaro y programanan di reconstruccion den lugarnan afecta pa guerra of desaster natural. Miyones di persona lo wordo perhudica pa e recorte, y Secretario General a menciona paisnan manera Afghanistan, Gaza, Siria, Ukraine y Sudan: “Danki na generosidad di

e donantenan, cu Merca na cabes, Nacionnan Uni ta asisti y protege mas di 100 miyon di persona cada aña den nos programa humanitario”, el a añadi. Solamente na 2024, e contribucion di Merca na programanan di ayudo humanitario internacional tabata un 47 % di e total di fondo, segun cifranan di Nacionnan Uni. “E generosidad y compasion di pueblo mericano -Guterres a bisa- no solamente a salba bidanan, a contribui na paz y a mehora e estado di mundo, (tambe) a contribui na estabilidad y prosperidad cu Merca ta depende di dje”.



Noticia Internacional

Escandalo inedito na Cas Blanco: Despues di discusion den Oval Office, Zelensky a bandona reunion cu Trump sin firma acuerdo cu Merca



WASHINGTON: Den un pelea publica sin precedente den Oval Office di Cas Blanco, dilanti di prensa, presidente di Merca, Donald Trump, y su vice presidente, JD Vance, a carga contra presidente di Ukraine, Volodymyr Zelensky, cu nan a acusa di ta un desagradecido cu apoyo

cu el a haya di Merca, ademá nan a adverti cu “e no ta den un bon posicion”, no ta ganando e guerra contra Rusia, y “no tin carta” pa logra e victoria. E reunion escandaloso, inedito den historia di Oval Office, a wordo captura pa e camaranan y transmiti en bibo, y a muestra

tension enorme acumula entre Trump y Zelensky den medio di acercamento di Trump cu presidente ruso, Vladimir Putin, y su descontento pa cantidad di placa cu Merca a otorga na Ukraine pa reforsa nan defensa militar.

“This is great TV”, Trump a bisa, despues di e pelea verbal entre Trump, Zelensky y Vance, cu a inclui grito y interrupcion.

E intercambio tenso a cuminsa na momento cu Zelensky a acusa Putin di viola e ultimo alto fuego, y a puntra directamente na vice presidente JD Vance ki tipo di diplomacia e ta kere cu por funciona. Di otro banda, Trump ya ta-

bata muestra rabia.

Trump a bisa Zelensky, “bo no ta den un bon posicion y bo no tin ‘cartanan’”. Zelensky a contesta: “Nos no ta hungando cartanan”. Trump visiblemente rabia, a casi grita: “Bo ta hungando cu bida di miyones di persona. Bo ta hungando cu un Tercera Guerra Mundial. Y loke bo ta haciendo ta hopi irrespetuoso cu e pais”.

-Trump no lo negocia cu Zelenski y a bisa cu e por

“bolbe ora e ta cla pa paz”

Despues cu Zelensky a bandona e reunion, Trump a bisa cu e no lo negocia cu Zelensky, y a critica cu el a “falta respet” pa Merca y cu e por regresa Merca ora e ta “cla pa paz”. Poco despues cu e reunion a termina, Zelensky a salir for di Cas Blanco sin haci declaracionnan na prensa, relaciona cu e acuerdo riba mineralnan di Ukraine, cu tabata e meta di e reunion.

Alarma na New York: griep di pahra a mata varios pahra na Long Island



Un hayazgo inquietante a causa alarma den comunidad di Patchogue Shores, na East Patchogue, Long Island, na unda varios pahra morto a wordo haya riba beach y patianan di residentenan. Segun informacion di medianan manera NBC News, autoridadnan a confirma cu e bestianan a fayece pa motibo di griep di pahra altamente patogénico (HPAI), un virus cu ya a afecta otro areanan di condadonan di Suffolk y Nassau.

E descubrimiento inicial a wordo realisa pa Tim Jones, vice presidente di asociacion comunitario

di Patchogue Shores, cu tabata canando banda di beach hunto cu su famia, na momento cu el a wak e pahrnan morto.

Pa motibo di e situacion, Departamento di Conservacion Ambiental di New York (DEC) a recomenda e pa cera e beach pa evita cualkier contacto cu e bestianan morto. Aunke e transmision di griep di pahra na ser humano ta extremadamente raro, e virus por wordo propaga pa medio di saliva, secrecion, af y particularnan viral den aire, como tambe consumo di alimento of lechi no pasteurisa.

Secretario di Estado Marco Rubio a elogiar aporte di Mexico den extradicion di narcotraficantenan pa Merca



Secretario di Estado di Merca, Marco Rubio, fiscal general Pam Bondi, y Secretario di Defensa Pete Hegseth a reuni cu un delegacion di alto nivel di Mexico pa reforsa cooperacion den seguridad. E delegacion mexicano tabata lidera pa Secretario di Relacionnan Exterior, Juan Ramón de la Fuente y a inclui Secretario di Seguridad y Proteccion Civil, Omar García Harfuch, fiscal general Alejandro Gertz, Secretario di Defensa Ricardo Trevilla, y Secretario di Armada,

Raymundo Morales. Segun un comunicado di Departamento di Estado di Merca, e reunion tabatin como obhetivo “construi un era nobo di cooperacion den seguridad entre Merca y Mexico”, pa tuma “accionnan rapido y decisivo pa finalmente asegura nos frontera, dismantela organisacionnan criminal y detene fluho ilícito di droga y armanan”. Rubio a expresa su gradicimento pa accionnan di Mexico pa asegura frontera comun, destacando e despliegue di 10.000 tropa

di Guardia Nacional. Ademá, a balora “confiscamento di cantidad grandi di fentanyl y productonan kimico usa pa traha droga”, y a celebra extradicion di 29 lider di cartel cu lo wordo procesa pa nan crimennan, loke ta contribui na seguridad di ambos nacion.

Capo narcotraficante Rafael Caro Quintero y Vicente Carrillo Fuentes a presenta den Corte Federal di ciudad di New York riba diabierna.

Pa chika Pos - Habri tuberia y wc.
Servicio lihe y confiabel.
 Experiencia ta manda
CICLONE
 Septic Tank Service
 Tel: 564-0607 / 734-0607

TIRA SUSHI AFO
 Chapi, verf, corta mata, plumbing, pega tegels, maintenance. Dialuna pa Diadomingo, Whatsapp: 561-1397

TA CHAPI
 Corta mata.
 Ta tira sushi afo. Nos ta hardineria completo na super bon prijs.
 Tel: 569-8003

PLEISTER SUSTENTABEL
 * No primer y no piedra todo tipo di vase, 22 fl. / mts inclui material. Tel: 630-2305

TA FURA ELMA UPHOLSTERY
 Matras, box busca mainta y haye atardi! Set di sala, tv chair, sienta auto.
 Tel: 565-5577
 Macapruimstraat # 1L

DIRECTV
 A miho T.V. na Aruba, movies, sports, kids, news & more.
 Yama awo cel: 733-5762
 DirecTV cambia bo vida

SUSHI
 Nos ta lanta sushi di cura lage limpi limpi mane un soño. Pa solamente 50,- y Ecotech ta apart. Yama nos na 592-5766 of 561-5179
 Arubiano trahado.

CONSTRUCCION REMODELACION
 Nos ta traha y drecha tur sorto di dak: shingle, eterniet, panchi, zink. Pega bloki, tegels, plafond, pleister, pone porta, lanta cura, basha vloer, construccion di cas y apto bon prijs. Free quotation.
 Tel: 561-2137

ASSOCIATED REALTORS
 TA BENDE
 Un cas di 4 camber y 1.5 baño mas un apto na Rooi Kochi, construi 208 m², tereno propiedad di 986 m² y pa Afl.570.000,-
 Yama Mito na 593-6318

FOR SALE FOR MUSIC COLLECTORS
 Coleccionista ta vende su colleccion di longplays, singles, 78, cassettes & CD's, los by choices.
 Lista di inventario disponible via email.
 Email "josephr@setarnet.aw"
 Tel: 597-2155

DIARIO
582-6747

Training den wetsuit pa nos Triatletanan

Awe Aruba lo competi den e triathlon 'Clermont Draft Legal'



ORANJESTAD (AAN): Aruba Triathlon Association (ATA) a duna di conoce cu diabierna merdia, a tuma luga e ultimo entrenamiento pa e atletanan Dylan Giel, Jeon Fernandes, Xyon Jacobs y Max Dennert.

Tres piscado di Antigua ta perdi riba lama

ST. JOHN'S: Un operacion grandi di buskeda ta andando pa tres piscado, como cu nan boto ta perdi desde Diasabra caba. Esey ta loke oficialnan militar a confirma.

Antigua Barbuda Defence Force (ABDF) ta coordinando cu partnernan local y regional pa localiza e boto 'FV Moya' cu su tripulacion di tres persona, kendenan no a regresa for di un viahe di pesca entre Antigua y Barbuda.

E piscadonan perdi ta e capitán Mathias Greenaway, tambe e piscadonan Glenmore Matthew y Clancy Samuel. Nan boto di 30 pia, cu tin kiel shinishi pero superstrutura color blanco, a sali for di Market Wharf na Antigua riba Diabierna banda di 1:00

Landa cu suit no ta algo usual pa e atletanan. Algun a opta pa competi cu suit sin manga den e awa un tiki mas friu.

For di experiencia sa cu lan-

pm, esta 21 di Februari 2025. Nan tabata di regresa bek Diasabra mainta pa 8:00 am.

Segun ABDF, nan a bin ta haciendo buskeda tanto for di aire y riba lama, y esaki a inclui botonan di diferente Coast Guard, e.o. di ABDF, tambe di St. Kitts and Nevis, tambe di St. Vincent and the Grenadines, hunto cu Maritime Rescue Coordination Center na Fort-de-France.

Riba Marine Radio canal 16, nan a emiti un alerta pa demas boto y barconan den e area.

Loke ta dificulta e buskeda ta e lama bruto cu tin e dianan aki, pa colmo tin alerta pa olanan halto pa Antigua y Barbuda. No obstante esey, nan ta sigui di ta buscando FV Moya.

da den awa friu por afecta e horeanan y ta marea e atletanan pesey ta importante pa uza earplugs asina e awa no por penetra den e drums y por landa trankil sin ta sonsa.

Cu hopi entusiasmo e atletanan a recore e venue na unda e careda lo tuma luga. Awe nan lo competi den e magno evento di Triathlon yama Clermont Draft Legal.

Fortaleza di Famia

Diasabr 1 Maart 2025

Samina bo curason, y stop di gaña bo mes

Skirbi pa: Pastor Marcel Balootje

Awendia tin hopi hende ta haci cosnan robes, cu ta haci nan mes ridiculo, cu ta pone hende pensa cu di berdad nan ta serio of ta wega nan ta haci, of ta atencion nan mester.

Hende ta pretende cosnan cu di berdad no ta bon, y cu nan mes mester realisa cu e caminda cu nan ta den no tin nada bon pa nan, ni tampoco pa nan famia. Hungando un bida di pelicula, cu ta pone hende papia riba bo, y despues nan ta rabia, bisa cu hende ta husga, of esun cu ta sin pica tira e prome piedra, pero locual nan ta pasando aden ta nan mes a busca.

Hende ta falta respet pa Dios, pa Dios su Palabra, y Dios su Principianan, y ta kere cu Dios lo sinta wak y no reacciona, pasobra nan ta kere cu Dios ta lubida, of Dios no ta mira, pero ta lubida cu e palabra di Dios ta bisa cu Dios no ta permiti ningun hende haci bofon di Dios, cu tur locual hende sembra, hende lo cosecha.

Pero den Bijbel tin un versiculo di saminacion, di pone atencion, cu ta demostra berdad y ta trece liberacion den bida di hende, cu tur hende por lese y pasa door di dje, y wak e di tur skina, haci pregunta, debati, consulta cu famia, consulta cu Mayornan, y amigonan, habri diccionario y busca, lese den varios idioma, y compara traduccion, busca bijbel di diferente religion, y wak bon ken ta cambia e palabra y sali for di e Berdad.

Pasobra ta tempo pa nos sa e Berdad y e Berdad lo haci nos liber. Y evita di tur manera pa nos ganja nos mes.

FILIPENSENAN 4:8-9 ta para skirbi: Finalmente rumannan:

Tur loke ta berdadero,
 Tur loke ta honorabel,
 Tur loke ta husto,
 Tur loke ta puro,
 Tur loke ta bunita,
 Tur loke ta di bon fama,
 Si tin algun virtud,
 Y si tin algo digno di alabansa,
 laga esakinan ocupa boso mente.

E cosnan cu boso a siña y a ricibi, y a tende y a mira den mi, practica e cosnan aki, y e Dios di pas lo ta cu boso.

Cada biaha cu nos ta bay haci algo, of ta bay participa den algo, of nos ta papia algo, y hasta ora cierto pensamiento crusa den nos mente nos tin di tene cuenta cu e dos versiculonan aki.

Pasobra diabel ta gusta tuma hende haci payaso, rebaha yiu-nan di Dios, pone nan pensa cu nan ta great, sexy y atractivo, fotogenico, y caba nan ta lubida cu nan curpa ta tempel di Dios y e Spirito di Dios ta biba den nan.

Nos ta bibando den un tempo cu inmoralidad kier tuma over, caminda respet no tey y hende a perde berguensa, hende ta comete cualkier locura basta nan hanja atencion, pero no ta tur locual e mundo ta aproba, Dios ta acepta, corda cu Dios ta lus y den dje no tin nada, pero nada di scuridad.

Hopi hende no kier caba di realisa cu Juan 10:10 ta un realidad di bida, y cu a bira tempo pa tuma e palabra di Dios na serio, y reconoce cu e diabel a bin solamente pa destrui.

Awor tuma un paar di seconde y refleha: E mesun curpa cu bo kier pa hende respeta, e mesun curpa bo ta expone casi sunu dilanti, bebiendo burachi, perdiendo tur respet pa bo mes y pa hende.

Samina bo curason y stop di gaña bo mes, no permiti e enemigo bruha bo cabes, Arepentí Awe.

Awor cu Trump a cera porta den nan cara

Venezolanonan awor ta buscando forma pa yega España, Brasil, of Colombia

CARACAS: E medidanan estricto introduci door di president Donald Trump, a parce di a cambia drasticamente e interes di migrantenan Venezolano pa yega Merca. Pasobra awor nan ta focus nan mes riba destinacionnan nobo, manera España, Brasil, of Colombia.

Segun un encuesta nobo haci pa e consultancy di Pod-er & Estrategia, e cantidad di personanan cu tin deseo di bay biba na Merca a cay drasticamente. E tabata na

Como 63% di pueblo Colombiano ta desapropa trabao di President Petro

BOGOTA: E desaprobacion di e maneho di president Gustavo Petro na Colombia a escala, y awor a yega na e cifra di 63 por ciento. Esey ta loke e ultimo encuesta Invamer a divulga, y cu a wordo publica Diaranson 26 di Februari den oranan di atardi.

E rechazo pa cu maneho di e president, a subi cu 3 punto compara cu e encuesta haci na December di aña pasa, ora cu Colombianonan cu a wordo encuesta, a duna 60% di desaprobacion.

E encuesta a wordo haci cu 1.600 persona na ciudadnan di Bogota, Medellin, Bucaramanga, Cali, Barranquilla, Cartagena, y Montería.

No obstante esey, e president keto bay ta kedando cu un fanbase cu ta keda respald'e y cu for di Augustus di aña pasa no a baha bao di 30%. E biaha aki e encuesta a raporta un popularidad di 30%.

E ciudad unda hendenan ta mas descontento cu Petro, tabata na Bucaramanga unda e ta cu 80% di desaprobacion, sigui pa Medellin cu 78%, y Bogota cu 63%.



27% na September 2024, y na Januari 2025 a baha te na 11 por ciento.

E sociologo y president di e consultancy, Ricardo Ríos a indica cu por lo menos 18% di Venezolanonan ainda tin intencion di emigra pa un mi-hor futuro den exterior. Otro di e datonan cu a resalta mas

ta indica cu 40% di e hobenan bao di 30 aña di edad ta spera di por emigra awor cu nan ta mas preocupa pa e situacion interno na nan pais.

E encuesta haci entre 25 y 30 di Januari 2025, cu 1.040 persona na Venezuela riba nan destino migratorio, a muestra un cambio notabel den

e preferencianan. A nota un caida significant di e intencion di bay biba na Merca.

Den contraste, España a consolida su mes como e principal destinacion nobo, cu un aumento den su preferencia. El a subi di 18% pa 26% den apenas cinco luna. Brasil tambe a haya mas popularidad cerca e migrantenan Venezolano, cu el a subi awor di

11% pa 16%.

Mientras tanto Colombia a mantene su mes stabil cu 13% di preferencia. Den e caso di Chile, sinembargo e preferencia a cay di 9% na November 2024, te na 5% di Januari 2025, debi na parcialmente e politica migratorio mas estricto y tambe xenofobia di pueblo Chileno.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Lagrima y flornan por seca, su recuerdonan y tur loke el a haci y significa pa nos, lo keda graba pa semper den nos mente y curason.

**“Cerca Dios mi alma ta na paz, ta di DJ'E mi salvacion ta bin”
Salmo 62:1**

Cu dolor na nos curason, pero conforme cu boluntad di Dios, nos ta participa fayecimento di nos ser stima:



Sr. Dominico Willems
Cariñosamente yama “Cochi”
***06-12-1938 - †24-02-2025**

Na nomber di su:

Esposa: Irena Adelaida (Neta) Willems-Wernet

Yiunan: Robert y Omaira Willems-Geerman
Stanley y Mirta Willems-Webb
Andy y Jannely Willems-Noguera

Manera yiu: Hedwigis (Whisky) Eugenia

Nietonan: Dillon Willems & Annelaine Jacobs

Marc Willems

Mariél Willems & Joshua Alders

Kelvin & Angelique Willems-Dos Ramos

Sigmar Willems

Naíndy Willems

Naythan Willems

Christian Padron

Bisanietonan: Melody Willems


Jackson Willems

Sua na bida: Emiliano Dirksen

Demas famianan: Willems, Wernet, Vrolijk, Dos Ramos, Geerman, Oduber, Faro, Koolman, Kelly, Dirksen, Maduro, Tiel, Dabian, Roos, Croes, Noguera, Eugenia,

Famia ta invita demas famianan, sobrino- y sobrinanan, primo- y primanan, bisiñanan, amigo- y amiganan, conocirnan, ex-coleganan pa e acto di entierro cu lo tuma lugar diamars 4 di maart venidero na Misa Inmaculata Concepcion na Santa Cruz. E defunto lo reposa di 12:00 pa 1:00 na cas den seno familiar y for di 2:00 pa 4:00 na misa. Despues lo sigui un respons pa e defunto.

Si den nos tristeza nos por a lubida algun famia, amigo, nos ta pidi nos disculpa.




In loving memory of:

**Alphonsus “Fons”
Jacques Geerlings**
**Born Augustus 2, 1930 –
Passed away
21 Februari 2025**

His wife:

†Iris Elaine Geerlings-Heath



Left to mourn his loss:

Children: †Phyllis Elaine Maria Mingo-Geerlings

Jennifer Lilian Geerlings

†Joan Helen Geerlings

Grandchildren: Andrew Jason Geerlings

Raquel Iris Mingo

Kimberly Iris M.L. Gerding

Greatgrandchild: Sade Joan Phyllis Mingo

Close friends and family in Aruba, Curaçao, St

Maarten, Surinam, Netherlands, USA

**Cremation service will be held on March 4th, 2025 at
the Olive Tree Funeral Care & Crematory from 9am
to 11am in the morning.**

Bernhardstraat 134/136 • Tel: 584 8888

Oracion pa awe:

Señor y mi Dios, habri mi curason pa e poder di e Spirito cu ta biba den mi

AMEN.
G.C.P.A



The LORD is my shepherd;
I shall not want.
He maketh me to lie down in green pastures:
he leadeth me beside the still waters.
He restoreth my soul:
he leadeth me in the paths of righteousness
for his name's sake.
Psalm 23; 1, 2, 3

It is with profound sadness and deepest sorrow that
we announce the passing of our beloved Sister,
Aunt, Great Aunt, Niece, Cousin and Sister-in-law:



Iris Lucille York
Sunrise: January 15th, 1939
Sunset: February 19th, 2025

Left to mourn her loss:

Daughter of: †Ann Lucina and †Cyrill Carlton York

Sisters: †Lilia York
†Marjorie Lake
†Elaine Lake

Brothers: †Cecil Lake
†Antonio York
†Carl York
George Lake
†Steven lake

Nieces, nephews, relatives and friends.

Related to: York, Lake, Alleyne, Barry, Elshot,
Goldbourne, Gumbs, Johnson, Scott, Roumon, van
Gurp, Williams, Muller, Meyers, Nedd, Letren,
Milton, Heyliger, Hickinson, Dore, Proctor, Carty,
Mathew, Halman, Austine, Pemberton, Pollard,
Arrindell, Romney, Gemerts and families in the
USA, U.K, Anguilla and Sint Maarten.

Special Thanks to Close Cousins and Friends
for their contribution of long-term dedicated
care to Iris.

†Cito York, Cecil Francis, Bernice York, Raul and
Gregory Alleyne, Barry, Williams, Astrid Irwin and E.
Labasti.

Many more relatives and friends are too numerous
to mention.

Condolence service will be held on Saturday,
March 1st, 2025 from 7:00 pm to 9:00 pm at Ad
Patres Funeral Home & Crematorium in San
Nicolas.

The Funeral Service will take place on Tuesday,
March 4th, 2025 from 2:00 Pm till 4:00 Pm at
Christ Church Methodist in San Nicolas.
Afterwards, Her body will be laid to rest in the
Sabana Basora Cemetery.

Please accept our apologies if we accidentally have
omitted anyone.

We apologize that after the funeral service we
cannot accept condolences at home.

*Staff and Management of Ad Patres Funeral Home &
Crematorium extend their most sincere condolences
to the bereaved family.*



AD PATRES
funeral home

Van Rensselaerstraat 2
584-2299 / 737-2299
adpatres@qualityservice.com
Family owned and operated

Let everything that awaits me be beautiful
Let everything that I encounter on the way be
beautiful
Let everything that surrounds me be beautiful
Let everything I leave behind remain beautiful
And let these end in all their beauty

It is with profound sadness and deepest sorrow that
we announce the passing of our beloved Sister,
Aunt, Great Aunt, Grandmother, Great grandmother.



Linda Maria Celestine
Sunrise: December 13th 1952
Sunset: February 26th 2025

Left to mourn her loss:

Mother:

†Veronica Celestine and Father: † Francis Celestine

Life Long Partner: † Alvin Emilio van Putten

Children:

Cathrine and Eric and Family
Jeanette Brooks and Michael Scott and Family
Ericson Brooks and Giselle Gomes and Family

Grand children: Araphax Martus

Erica Barry
Shamila Barry
Shaquille Barry
Samantha Pierre

Great-Granddaughter: Arlyn Martus

God daughter: Beverly Akins

Brothers and Sisters:

Derick Celestine and Family in Dominica
Frances Flanders and Family in Aruba
†Juliana Celestine and Family
Horris Celestine and Family in St. Maarten
Marylou St. Rose and Family in Dominica
Nieces, nephews, grand- nephews too
numerous to mention in Aruba and Dominica.
And her beloved neighbors and friends in
Sabana Basora, Post Chickto.

Related to: Celestine, James, Brooks, Barry, Scott,
Gomes, Flanders, Charles Marthus, Pierre, Van
Putten, Akins, Loefstop, Ridderstaat, Jones, Van
Loon, Howell, Hose, Diaz, Gumbs.

Special thanks to Zorg met Liefde te huis and
Cas Amilia for their care towards our mother.

The Funeral Service will take place on Tuesday,
March 4th, 2025 from 9:00 Am till 11:00 Am at Ad
Patres Funeral Home & Crematorium in San
Nicolas.

Afterwards, her body will be laid to rest in the
Sabana Basora Cemetery.

Please accept our apologies if we accidentally have
forgotten anyone.

We apologize that after the funeral service we will
not be accepting condolences at home.

*Staff and Management of Ad Patres Funeral Home &
Crematorium extend their most sincere condolences to
the bereaved family.*



AD PATRES
funeral home

Van Rensselaerstraat 2
584-2299 / 737-2299
adpatres@qualityservice.com
Family owned and operated

Quadracer na Bonaire a bay dal den autonan staciona

KRALENDIJK: Diamars
atardi, Central di Polis na
Bonaire a manda un unidad
rumbo pa Kaya Irlanda pa
check un accident, unda 3
vehiculo ta involvi.

E unidad di Polis cu a yega,
a bin nota cu ta e mane-
hador di un vehiculo ATV
("Quadracer") a perde con-
trol, y violentamente a bay
dal contra dos auto cu tabata
staciona banda di caminda.

Polis a pidi e manehador di
e Quadracer pa su rijbewijs,
pero a resulta cu e no tin e
rijbewijs corecto pa maneha
esaki. Pa colmo e Quadracer
no tin plachi di number, y
tampoco tin aseguro valido.

El a haya un boet pa esaki,
y tur e gasto di daño material
na e otro autonan ta bay cay
awor riba su schouder, y aki
ta papia di un suma balente
di placa.

Suriname tumando accion contra bendedornan riba caya

PARAMARIBO: Un asi-
na yama Crisisteam di e
comisariado di distrito di
Paramaribo-Noordoost, a
cuminza cu un accion riba
caya y a duna ordo pa var-
ios bendedor ambulante cu
ta pone stoel y bende nan
fruta y berdura fresco riba
caya, tin di lanta bay y no
regresa e lugar ey mas.

Nan a core cu algun re-
bendedor for di e parti pafó
di e asina yama 'Vreedzaam
Markt'. Nan tabata habri
mesa y stoel pafó di esey,
pa bende nan productonan.

Autoridad a pasa haci
chekeo, y durante control
e agentenan a bin haya ber-
dura scondi den un toilet. E
berduranan aki a resulta di
ta pertenece na e bendedor-
nan ambulante aki, y me-
sora a confisca nan.



LUCKY GROUP OF STORES

SANKEY® CHEST FREEZER



28
CUFT

SPECIAL PRICE
2089.⁰⁰

SANKEY® SEMI AUTOMATIC WASHING MACHINE



06
KG

SPECIAL PRICE
429.⁰⁰



aiwa SEMI AUTOMATIC WASHING MACHINE

16
KG

SPECIAL PRICE
589.⁰⁰

SANKEY® CHEST FREEZER



3.5
CUFT

SPECIAL PRICE
529.⁰⁰

SANKEY® TOP MOUNT REFRIGERATOR



10
CUFT

SPECIAL PRICE
1049.⁰⁰

aiwa CAR RADIO

FM / BT
USB X2



SPECIAL PRICE
99.⁰⁰

LUCKY ELECTRONICS

HAVENSTRAAT #27 TEL:-582-9630 / 6610420

Valentine Special

PORTABLE CHARGER

Special Design
for
Iphone/Airpod



Special
Price
\$25

Apple AirPods 4



661-0420

JBL FLIP 6



Special
Price
\$125

RECHARGEABLE FAN



Special
Price
\$20

Mini Fridge 6L



Special
Price
\$50

Apple IPHONE 16



Starting
From
\$1099

20%
OFF

SALE

CLOTHING AND SHOES

Valid Till TODAY

SUN GLASSES SPECIAL OFFER



AWOR Awg
ANTES Awg
12.95
9.95

Folding Chair



22.⁹⁵ 30.⁰⁰

Lighting Glass



50%
OFF

Bathroom Rack



50.⁰⁰

Kitchen Mat



13.⁹⁵

Tent 3m x 3m



195.⁰⁰



Kitchen Cabinet

525.⁰⁰

Dog Mat



29.⁹⁵

IGLOO Ice Jug



240.⁰⁰

Rocking Chair



450.⁰⁰

LUCKY SUPER STORE

JOHN G EMANSTRAAT #71 TEL:-582-3001

LUCKY FAMILY STORE

SAVANETA #490 TEL:-582-0034

LUCKY ELECTRONICS

HAVENSTRAAT #27 TEL:-582-9630